



Bošnjačko nacionalno vijeće

# Bilten

Periodično informativno glasilo  
Bošnjačkog nacionalnog vijeća,  
Broj 2. jun 2015.

11. MAJ

## DAN BOŠNJAČKE NACIONALNE ZASTAVE



MLADOST POSTALA SIMBOL  
SVEČANOG OBILJEŽAVANJA DANA ZASTAVE



RAMAZAN ŠERIF MUBAREK OLSUN

U VIJEĆU ODRŽANA  
PRVA JAVNA RASPRAVA  
O REFORMI POLITIČKOG SISTEMA SRBIJE




KONSTITUISANA  
KOORDINACIJA NACIONALNIH VIJEĆA



## U ovom broju:


UVODNIK	Strana
- Predsjednik Bošnjačkog nacionalnog vijeća i manjinske poslaničke grupe "SDA Sandžaka-PDD" dr. Sulejman Ugljanin govorio na seminaru parlamentarne skupštine NATO-a .....	5
- Potpredsjednici Bošnjačkog nacionalnog vijeća Esad Džudžo i Muhedin Fijuljanin učesnici Konstitutivne sjednice Radne grupe za izradu Akcionog plana za nacionalne manjine.....	8
-- Tradicionalni prijem povodom obilježavanja 20. aprila – Dana Grada Novog Pazara upriličen u Glavnom uredi Bošnjačkog nacionalnog vijeća, čiji je domaćin bio predsjednik BNV-a.....	12
- Bošnjačko nacionalno vijeće aktivno na planu stručnog usavršavanja nastavnika.....	13
- U Bošnjačkom nacionalnom vijeću održana promocija slogana i dodjela nagrada i zahvalnica učesnicima konkursa „Najbolji slogan za promociju nastave na bosanskom jeziku“.....	15
- U organizaciji Bošnjačkog nacionalnog vijeća u Novom Pazaru, Sjenici i Tutinu održana su takmičenja iz bosanskoga jezika i jezičke kulture.....	19
- Bošnjačko nacionalno vijeće obilježilo 11. maj – Dan bošnjačke nacionalne zastave.....	20
- Održana treća redovna sjednica Vijeća.....	29
- Bošnjačko nacionalno vijeće je 24. i 25. juna, organizovalo promocije „Rječnika bosanskog jezika“, akademika prof. dr Dževada Jahića, u Prijepolju, Sjenici, Tutinu i Novom Pazaru.....	38
- BNV započelo proces utvrđivanja prijedloga reforme i unaprjeđenja političkog sistema Republike Srbije sa aspekta potreba i interesa bošnjačkog naroda u Republici Srbiji.....	41



## Uvodnik

Ahmedin Škrijelj

# REFORMA POLITIČKOG I PRAVNOG SISTEMA SRBIJE ŠANSA ZA BOŠNJAKE I SANDŽAK



Proces pridruživanja Srbije Evropskoj uniji ima višestruk značaj a posebno se taj značaj ogleda u činjenici da je pravi trenutak da se izvrši potpuna revizija pravnog i političkog sistema u državi i da se na temeljima dobre evropske prakse i opšteprihvaćenih pravila međunarodnog prava Srbija transformiše u funkcionalnu državu, državu koja podjednako brine o svojim građanima bez obzira na nacionalnu, rasnu, vjersku i političku pripadnost, odnosno državu koja je zasnovana na vladavini prava, pravnoj sigurnosti i jednakosti i uređenu po pravilima i principima na kojima počiva Evropska unija.

Ukoliko predstavnici vlasti u Srbiji budu imali kapaciteta da se postave kao predstavnici svih građana i ako u narednom periodu državnu politiku budu gradili uvažavajući interese i potrebe svih građana a ne samo većinskog naroda, Srbija ima priliku da postane država koja je spremna i sposobna i kojoj priliči da bude u društvu demokratskih država članica EU.

Svoju iskrenu namjeru da se mijenja i skine sa sebe breme prošlosti, zbog svega što se dešavalо devedesetih godina, Republika Srbija može iskazati svojim odnosom prema nacionalnim manjinama a posebno prema Bošnjacima u Sandžaku.

U procesu otvaranja pregovaračkih poglavlja sa Evropskom unijom, izrada akcionih planova za poglavlja koja se tiču položaja i ostvarivanja prava manjinskih naroda u Republici Srbiji mora predvidjeti potpuno nov pristup u rješavanju manjinskog pitanja. Pristup koji će omogućiti manjinama prije svega sigurnost, ravнопravnost i pravo na političku egzistenciju.

Stavovi i politika koje zagovaraju, vode i propagiraju predstavnici Vlade i drugih državnih organa ni u kom slučaju nisu pokazatelj da je Srbija spremna napraviti pozitivan korak u sveukupnom odnosu prema manjinama i poboljšanju položaja manjina niti pokazuju spremnost da država preuzme odgovornost za položaj, stanje i stepen ostvarivanja prava pripadnika manjinskih nacionalnih zajednica.

Obaveza i odgovornost nosioca najviših političkih funkcija u Republici Srbiji jeste da Srbija u budućnosti postane otvoreno, pravedno i demokratsko društvo. Da bi se dosegli ti ciljevi, mora se prije svega raditi na vraćanju povjerenja Bošnjaka u državne organe,

moraju se konačno pronaći i privesti pravdi svi koji su odgovorni za planiranje, organizovanje, naređivanje i izvršavanje masovnih otmica, ubistava i drugih teških zločina počinjenih nad Bošnjacima. U kontekstu toga neophodno je da nadležni državni organi rasvijetle i procesuiraju nalogodavce i počinioce za oružani upad u službene prostorije SDA Sandžaka januara 2009. godine.

Od izuzetne važnosti bilo bi da se u pregovorima o pristupanju EU, a naročito u okviru poglavlja 22, 23 i 24, izrade posebni akcioni planovi i strategije za Bošnjake i Sandžak.

Promjena političkog sistema Srbije, a prije svega Ustava, je nužna i izvjesna i predstavlja jednu od ključnih prekretnica u profiliranju Srbije kao decentralizovane, regionalizovane i građanske moderne evropske države u kojoj nacionalne manjine mogu ostvariti sva svoja prava.

Politički predstavnici Bošnjaka i Albanaca okupljeni u manjinsku poslaničku grupu „SDA Sandžaka – PDD“, podnijeli su Narodnoj skupštini prijedlog za promjenu političkog sistema. U suštini, ovim prijedlogom predlaže se promjena Ustava i zakona u onim segmentima koji predstavljaju prepreku u ostvarivanju prava manjinskih nacionalnih zajednica, ne obezbeđuju adekvatna rješenja u pogledu ostvarivanja manjinske samouprave i jednakosti u oblastima obrazovanja, kulture, informisanja, službene upotrebe jezika i pisma, djelotvornog učešća manjina u javnom životu i drugim oblastima od značaja za manjine ili su smetnja decentralizaciji, regionalizaciji i ravnomjernom regionalnom razvoju.

Kada se govori o postojećem Ustavnom i zakonskom okviru kojim se definišu i garantuju prava pripadnicima manjinskih naroda onda se mora naglasiti da je neophodno taj okvir dodatno unaprijediti, odnosno osim što treba precizno odrediti ljudska i manjinska prava i neposredni način njihove primjene neophodno je ukloniti sve one dijelove i odredbe koji se mogu javiti kao ozbiljna prepreka punoj integraciji manjina, poštovanju, očuvanju i unapređenju

njihovog identiteta i posebnosti. Takođe je potrebno utvrditi i održive mehanizme nadzora i kontrole ostvarivanja garantovanih prava pripadnicima manjinskih naroda. Postojeći pravni okvir je manjkav, nedorečen, neusaglašen, prevaziđen i ne daje adekvatne odgovore na realne potrebe manjina koje su neposredno povezane sa položajem, identitetom i pravima pripadnika manjinskih naroda.

U cilju unapređivanja manjinskog zakonodavstva i njegovog prilagođavanja potrebama manjina potrebno je donijeti novi zakon koji bi obuhvatio prava manjina, način ostvarivanja tih prava i koji bi u potpunosti uredio sva pitanja vezana za rad nacionalnih saveta. Sa tim novim zakonom usaglasili bi se ostali zakoni koji regulišu prava manjina kako bi se izbegla trenutna neusaglašenost između zakona što dodatno otežava implementaciju manjinskih prava u praksi.

Novim zakonom se mora takođe odrediti pravni status i položaj Nacionalnih vijeća što predstavlja prvi preduslov u koliko se želi izgraditi jaka, stabilna i funkcionalna institucija preko koje manjinski narodi mogu ostvarivati svoja kolektivna prava. Postojeće formulacije u Zakonu o nacionalnim savetima nacionalnih manjina nisu dobre i unižavaju status i nadležnosti Nacionalnih vijeća koji bi po aktuelnom Ustavu oni morali da imaju. U najavljenim ustavnim promjenama trebalo bi dati precizniju i jasniju definiciju Nacionalnih saveta.

Nadležnosti Nacionalnih saveta odnosno Nacionalnih vijeća moraju biti precizno definisana i ona moraju obezbeđivati puno ostvarivanje prava na samoupravu u oblastima od značaja za manjine. Pored toga, što zakon mora nedvosmisleno i isključivo staviti u nadležnost odlučivanje Nacionalnih vijeća u oblasti obrazovanja, kulture, službene upotrebe jezika i pisma i informisanja, takođe je neophodno nadležnosti nacionalnih vijeća proširiti na učešće manjina u radu državnih organa i javnih službi, upravljanju javnim poslovima i stupanju na javne funkcije ali i na sve ostale oblasti koje su neposredno povezane sa položajem i identitetom nacionalnih manjina. Nacionalnim vijećima se mora obezbjediti aktivna uloga u procesu doношења zakona, uredbi, odluka i drugih akata koji se tiču položaja manjina, očuvanja njihovog identiteta, načina ostvarivanja individualnih i kolektivnih prava i drugih pitanja koja su od značaja za manjine.

Finansiranje Nacionalnih vijeća je takođe jedno od pitanja koje je potrebno urediti drugaćijim rješenjima od rješenja koja su data ovim aktuljenim zakonom. Kada je u pitanju finansiranje Nacionalnih vijeća jasno se mora propisati da Republika pokrajina

i lokalna samouprava ne mogu donijeti svoje budžete ukoliko nisu predviđena sredstva za finansiranje rada Nacionalnih saveta. Način raspodjele sredstava Nacionalnim vijećima takođe mora biti jasno i precizno određen novim zakonom, moraju se ustanoviti jasna pravila i principi. Budžetski fond za nacionalne manjine mora se takođe staviti u funkciju za koju je i osnovan zakonom.

Postupak izbora i konstituisanja Nacionalnih vijeća novim zakonom se mora urediti na drugačiji način odnosno izborni proces za Nacionalne savete mora se održati pod jednakim uslovima i pravilima kao i izborni proces za izbor Narodnih poslanika i odbornika. Izbornim listama koje učestvuju na izborima na Nacionalna vijeća prevashodno se mora omogućiti članstvo u biračkim odborima i drugim organima i tijelima za sprovođenje izbora, finansiranje izborne kampanje i adekvatno medijsko praćenje. Konstituisanje Nacionalnog vijeća takođe treba ujednačiti za pravilima koja se primjenjuju prilikom konstituisanja Narodne skupštine odnosno pokrajinske skupštine i skupština lokalnih samouprava.

Postojeći Zakon o nacionalnim savetima nacionalnih manjina nije na adekvatan način riješio podjelu poslova između organa Nacionalnog vijeća. Novim zakonom je potrebno jasno precizirati i razdvojiti nadležnosti predstavničkog organa (Skupštine) i nadležnosti izvršnog organa (Izvršni odbor), kao i drugih organa.

Da bi čitav zakon imao smisla i da bi Nacionalni savet mogao da u punom kapacitetu vrši nadležnosti koje mu se povjere Ustavom i zakonom nužno je propisati sankcije za nepoštovanje nadležnosti Vijeća. Aktuelni zakon je u tom segmentu potpuno obezmislio nadležnosti Nacionalnih saveta. Nacionalni savet odnosno Nacionalno vijeće mora imati na raspolaganju čvrste mehanizme da bi moglo u praksi sprovoditi nadležnosti koje mu se propisu zakonom. Dosadašnja praska je pokazala da usled nepostojanja jasno propisanih sankcija Nacionalna vijeća nisu mogla gotovo nijednu nadležnost da sprovedu u praksi. Propisivanjem sankcija za nepoštovanje nadležnosti Nacionalnih vijeća predstavlja neophodan korak ka izgradji Nacionalnog vijeća kao čvrste institucije preko kojeg manjinski narodu ostvaruju svoja kolektivna prava i pravo na kulturnu autonomiju.

Očekivanja Bošnjaka u pogledu ishoda reforme političkog i pravnog sistema Srbije i njenog pristupanja EU idu u smjeru konačnog rješavanja bošnjačkog pitanja u Srbiji i dobijanju visokog stepena autonomije za Sandžak.



Predsjednik Bošnjačkog nacionalnog vijeća i manjinske poslaničke grupe "SDA Sandžaka-PDD"  
dr. Sulejman Ugljanin govorio na seminaru parlamentarne skupštine NATO-a

# ZAJEDNIČKIM AKTIVNOSTIMA MOŽEMO ELIMINISATI I SPRIJEĆITI ŠTETNE POJAVE

Teme ovog seminara fokusirane su na regionalna i aktuelna bezbednosna pitanja, na tok procesa evropskih i evroatlantskih integracija Republike Srbije i regiona Zapadnog Balkana, borbu protiv korupcije i kriminala u državama regiona, te zajednički izazov koji predstavlja angažovanje stranih boraca na Bliskom istoku i Severu Afrike

Na poziv Parlamentarne skupštine NATO-a koja zajedno sa Narodnom skupštinom Republike Srbije organizuje 88. Rouz-Rot seminar, skupu se obratio predsjednik Ugljanin.

88. Rouz-Rot seminar u Beogradu je okupio preko 130 učesnika, članova Parlamentarne skupštine NATO-a, poslanika iz zemalja članica NATO-a, zemalja članica Partnerstva za mir, predstavnika Vlada, predstavnike države domaćina, kao i međunarodnih organizacija, predstavnike diplomatskog kora, akademske zajednice i pred-

stavnike civilnog društva.

U svojstvu predsjednika Bošnjačkog nacionalnog vijeća i manjinske Parlamentarne grupe „SDA Sandžaka-PDD“ u Skupštini Srbije dr. Sulejman Ugljanin je danas govorio na temu „Strani borci na Bliskom Istoku i Sjeveru Afrike: zajednički izazov“.

Gовор предсједника BNV-а и мјандинске Парламентарне групе „SDA Sandžaka-PDD“ у Скупштини Србије Др. Сулејмана Угљанина преносимо у цјелosti:



„Poštovani predsjedniče,  
Poštovani članovi Parlamentarne Skupštine,  
Poštovane kolege i koleginice narodni poslanici i članovi Vlade,  
Prišao mi je velika čast da se danas obratim u svojstvu predsjednika Bošnjačkog nacionalnog vijeća u Srbiji i kao predsjednik manjinskog poslaničkog kluba „SDA Sandžaka – PDD“ u Parlamentu Republike Srbije koji čine legitimni predstavnici Bošnjaka Sandžaka i Albanaca Preševske doline.

U ime Bošnjaka, jednog malog evropskog naroda, zahvaljujem se organizatorima na počasti i prilici da govorim na ovako važnom mjestu i pred ovako važnim skupom.

Ja sam na čelu Stranke demokratske akcije Sandžaka koja je parlamentarna stranka na svim nivoima od svog osnivanja 1990. godine.

Bošnjaci u Srbiji već 25 godina aktivno učestvuju u demokratskim procesima kroz Bošnjačko nacionalno

vijeće, kao najviše legitimno predstavničko tijelo u Srbiji i SDA Sandžaka kao manjinsku bošnjačku stranku.

Jedan od glavnih naših ciljeva je zalažanje za evropske i evroatlantske integracije, za šta već 25 godina imamo podršku bošnjačkog naroda.

Smatramo da se članstvom Srbije u EU i evroatlantskim institucijama i organizacijama stiču osnovni uslovi sigurnosti, saradnje i povjerenja u regionu, što je ideal Bošnjaka koji ovdje žive.

Otvaranje procesa pregovora za pristupanje Srbije EU je dostizanje jednog našeg cilja i razlog da budemo zadovoljni i sretni.

Bošnjaci Sandžaka su miroljubiv, civilizovan, kulturni, odgovoran, svjestan i dobro organizovan narod, koji od pada komunizma i uvođenja višepartijskog sistema ima svoju stranku i nacionalno vijeće preko kojih već 25 godina pokušava da ostvari svoja prava kroz institucije sistema u svojoj zemlji.

Danas smo suočeni sa jednom vrlo opasnom pojmom koja nas sve zabrinjava, a to su strani plaćenici na ratištima na Bliskom Istoku, Siriji, Sjeveru Afrike i Ukrajini koji su prijetnja Evropi i čitavom svijetu.

Prema informacijama iz medija, oko 4.000 ljudi iz evropskih zemalja je do sada registrovano kao učesnici rata u Siriji.

U medijima također postoje informacije da je nekoliko građana Srbije registrovano na ovim frontovima.

Ukupan osjećaj u regionu Sandžaka prema ovim takozvanim „borcima“ je veoma negativan, kao i prema ovoj pojavi uopšte.

Kao predsjednik Bošnjačkog nacionalnog vijeća i kao lider SDA Sandžaka, najjače političke partije u Sandžaku, i, svakodnevno radim na terenu i niko u Srbiji nema bolje razumijevanje tamošnjih dješavanja. Ljudi iz moje izborne baze me pitaju za razloge zbog čega se pojedini mlađi ljudi uključuju u rat u Siriji i Bliskom Istoku.

Roditelji zabrinuti za svoju djecu se pitaju i traže od nas da nađemo odgovor na ovo pitanje i rješenje kako da se iskorijene ovakve negativne i štetne pojave.

Ni ja kao politički lider, niti ljudi u regionu ne znamo razloge za takve pojave i jasno je da iza svega toga stoe neki vanjski uticaji.

S obzirom da se nalazim na čelu najznačajnijeg predstavničkog tijela Bošnjaka u Srbiji, moja obaveza je da nađem način da se zaštiti tradicija i kultura ovog malog naroda od ovih štetnih trendova koji je ugrožavaju, a koji dolaze spolja. Smatram i da je odgovornost i obaveza države da u tome pomogne.

Postoje slučajevi da mlađi ljudi u potrazi za poslom odlaze u zemlje Zapadne Evrope i tamo postaju meta i žrtve nekih tamošnjih centara za regrutovanje. Država ima mogućnosti i mehanizme da ispita koje su to organizacije koje vrbuju našu djecu za odlazak na strana ratišta. S tim u vezi sam i kontaktirao neke nadležne državne organe i tražio detaljnije informacije o svemu ovome.

Zbog toga je potrebno otvoriti radna mjesta, posebno u 46 najnerazvijenih opština u zemlji gdje živi oko 930.000 ljudi, među kojima su uglavnom manjine. Nakon prošlogodišnjih poplava koje su zadesile Srbiju ovaj broj je skoro dvostruko veći. Tu nam je neophodno

razumijevanje i finansijska pomoć šire međunarodne zajednice, posebno Evropske Unije.

Investiranjem u održivi privredni razvoj ćemo povećati mogućnosti mlađim ljudima za pronašetak posla kod kuće i time spriječiti ovakve, ali i druge štetne pojave što je od vitalnog značaja za našu zemlju i regionalnu stabilnost na Balkanu.

Kada su u pitanju Bošnjaci Sandžaka imamo još jednu opasnu pojavu koja kod bošnjačkog naroda u Srbiji izaziva veliku zabrinutost jer pojedini srpski mediji i neodgovorni politički zvaničnici zlonamjerno pokušavaju da čitav Bošnjački narod povežu sa ekstremnim zločinačkim organizacijama koje učestvuju na ratištima na Bliskom Istoku i Sjeveru Afrike.

Svi poglavari Islamskih vjerskih zajednica na Balkanu su složni da takozvana organizacija „ISIL“ i pokreti slični njemu nemaju nikakve veze sa Islamom. Take grupe svojim djelovanjem skrnave vjeru i nanose ogromnu štetu svim muslimanima u svijetu.

Mi smo protiv vjerskog šovinizma, nacionalnog fašizma i socijal rasizma kao izvora svakog zla, te protiv upotrebe sile i nasilja za postizanje političkih ciljeva i nametanje političkih rješenja. I sami Bošnjaci su u ratovima u bivšoj Jugoslaviji bili žrtve nepravednog ubijanja, zato imaju moralnu obavezu da iskažu posebnu osjetljivost na ubijanje i zlostavljanje ljudi.

Zato se danas posebno obraćam Vama, uvaženi članovi Parlamentarne skupštine, organizacije koja je od svog osnivanja garant očuvanja svjetskog mira i čuvan međunarodnog poretku i pozivam vas da damo jedinstven odgovor na sve ovakve pojave koje su prijetnja međunarodnom miru i sigurnosti. Ove pojave nisu i ne smiju biti nešto što se treba koristiti u političke svrhe.

U tom cilju je potrebno odblokirati pristup nacionalnim, regionalnim i lokalnim medijima koji bi znatno olakšali informisanje i edukaciju javnosti o štetnosti ovakvih pojava i zloupotreba vjere i vjerskih osjećanja.

Kao predsjednik Bošnjačkog nacionalnog vijeća i parlamentarne Stranke demokratske akcije Sandžaka, tvrdim da samo zajedničkim aktivnostima možemo eliminisati i spriječiti ovakve štetne pojave.

Hvala!



88. Rouz-Rot seminar Parlamentarne skupštine NATO u Beogradu  
Beograd, 1. april 2015. godine

# RODITELJI DA SE OPREDJELE ZA OBRAZOVANJE DJECE NA MATERNJEM BOSANSKOM JEZIKU

Bošnjačko nacionalno vijeće poziva sve roditelje bošnjačke nacionalnosti da se prilikom upisa svoje djece u škole opredijele za obrazovanje na svom maternjem bosanskom jeziku.

Ostvarivanje, zaštita i unapređivanje individualnih i kolektivnih prava Bošnjaka u Republici Srbiji garantovano je Ustavom, domaćim zakonima i međunarodnim dokumenatima. U tim okvirima posebno mjesto zauzima i obezbjeđivanje prava na obrazovanje na maternjem jeziku Bošnjaka, kao i mehanizmi zaštite i načini ostvarenja tog prava.

Ukazuje se svim odgovornim licima u ustanovama obrazovanja u Sandžaku da obezbjede poštovanje prava na obrazovanje i slobodno izražavanje



roditelja o jeziku na kojem će se njihova djeca obrazovati u školama.

U ustanovama obrazovanja u toku je proces anketiranja roditelja i učenika za jezik nastave za školsku 2015/2016. godinu.

## Turski jezik u školama u Srbiji

# UVOĐENJE TURSKOG JEZIKA U ŠKOLAMA U SANDŽAKU IMALO BI VIŠESTRUKI ZNAČAJ

Bošnjačko nacionalno vijeće izražava zadovoljstvo činjenicom da se u školama u Kragujevcu izučava turski jezik u formi izbornog predmeta. Na taj način učenici u Kragujevcu će imati priliku da se na bolji način upoznaju, osim sa jezikom, i sa bogatom turskom kulturom i orijentalnom umjetnošću.

Bošnjačko nacionalno vijeće smatra da je uvođenje turskog jezika kao izbornog nastavnog predmeta u posebnom interesu Bošnjaka, koji u velikom broju kao iseljenici žive u Turskoj.

Izučavanje turskog jezika posebno je važno i sa ekonomskog aspekta, u jačanju privrednih veza između dvije zemlje, s obzirom da su sandžački Bošnjaci jedni od najuspješnijih privrednika u Turskoj, posebno u istanbulskoj i izmirskoj regiji.

Bošnjačko nacionalno vijeće smatra da bi uvođenje turskog jezika kao izbornog predmeta u školama bilo od interesa za sve građane u Sandžaku.



Turski jezik širom svijeta govori više od 220 miliona ljudi i po masovnosti je peti jezik u upotrebi na planeti.

Potpredsjednici Bošnjačkog nacionalnog vijeća Esad Džudžo i Muhedin Fijuljanin učesnici Konstitutivne sjednice Radne grupe za izradu Akcionog plana za nacionalne manjine

# AKCIJONI PLAN REPUBLIKE SRBIJE ZA MANJINE

## VAŽAN KORAK ZA PRIDRUŽENJE EVROPSKOJ UNIJI

Istraživanje je sprovedeno tokom mjeseca marta i obuhvatio je analizu postojećeg plana i programa rada BNV, intervjuje fokus dijaloge i upitnike koje su popunjavali vijećnici.

Na sjednici u Palati Srbija u Beogradu su pored predstavnika BNV-a učestvovali su predstavnici nadležnih ministarstava, predstavnici nacionalnih savjeta nacionalnih manjina, predstavnici nevladinog sektora i eksperti Savjeta Evrope.

Sjednici je prisustvovala i šefica Pregovaračkog tima Srbije, Tanja Miščević, koja je tom prilikom ukazala na značaj izrade ovog dokumenta.



Konstitutivna sjednica Radne grupe za izradu Akcionog plana za nacionalne manjine, Beograd, 7. april 2015. godine

U skladu sa zaključkom Koordinacije nacionalnih savjeta na sastanku je predloženo da u sastav Radne grupe za izradu Akcionog plana uđu i predsedavajući Koordinacije i predstavnici albanskog i romskog nacionalnog savjeta.

**U Beogradu je u aprilu konstituisana Koordinacija nacionalnih savjeta nacionalnih manjina, gdje je za predsjednika Koordinacije izabrana Ana Tomanova Makanova, a za kopredsjednika Esad Džudžo**

## KONSTITUISANA KOORDINACIJA NACIONALNIH VIJEĆA

**Poslije dužeg vremena u Palati Srbija u Beogradu, konstituisana Koordinacija nacionalnih savjeta nacionalnih manjina**

Na sjednici, kojoj su prisustvovali svi predstavnici nacionalnih savjeta u Srbiji, za predsjednika Koordinacije izabrana je Ana Tomanova Makanova, a za kopredsjednika Esad Džudžo.

Na sastanku je razmatrano pitanje izrade Akcionog plana za nacionalne manjine u vezi sa čime je usvojen zaključak da se od nadležnih traži uključenje u Radnu grupu, pored već imenovanih predstavnika sedam nacionalnih savjeta, i predsedavajući Koordinacije i predstavnici albanskog i romskog nacionalnog savjeta.

Sa sastanka je upućena inicijativa za hitno sazivanje Republičkog savjeta za nacionalne manjine.

Prva radna sjednica Koordinacije, na prijedlog kopredsjedavajućeg Esada Džudža, biće održana u sjedištu Bošnjačkog nacionalnog vijeća.



Konstitutivna sjednica Koordinacija nacionalnih savjeta nacionalnih manjina, Beograd, 7. april 2015. godine

Ispred Bošnjačkog nacionalnog vijeća na Konstitutivnoj sjednici Koordinacije nacionalnih savjeta učestvovali su potpredsjednici Vijeća Esad Džudžo i Muhedin Fijuljanin.

U Bošnjačkom nacionalnom vijeću održana validaciona radionica u okviru istraživanja  
„Mapiranje kapaciteta novog saziva Bošnjačkog nacionalnog vijeća“

# PREDSTAVLJENI REZULTATI ISTRAŽIVANJA I PREPORUKE ZA RAZVOJ KAPACITETA BNV-A

Istraživanje je sprovedeno tokom mjeseca marta i obuhvatalo je analizu postojećeg plana i programa rada BNV, intervjuje, fokus dijaloge i upitnike koje su popunjavali vijećnici Bošnjačkog nacionalnog vijeća



Radionica: „Mapiranje kapaciteta novog saziva Bošnjačkog nacionalnog vijeća“,  
Glavni ured Vijeća, Novi Pazar, 11. april 2015. godine

Na validacionoj radionici koja je sprovedena u saradnji sa KC „Damad“, koja sa Vijećem ima potpisani sporazum o konsultativno-participativnom statusu, iznijeti su rezultati sprovedenog istraživanja u vidu Izvještaja, kao i preporuke za razvoj kapaciteta novog saziva Bošnjačkog nacionalnog vijeća.

Zibija Šarenkapić, direktorka KC „Damad“ i Ivana Koprivica, konsultatkinja na projektu su pri predstavljanju Izvještaja govorile i o prethodno dostavljenim komentarima vijećnika na sadržinu Izvještaja.

Poslije predstavljanja Izvještaja o sprovedenom istraživanju, prisutni na radionici su razmjenjivali mišljenja o sadržaju Izvještaja, Preporukama i prethodno dostavljenim komentarima na sadržinu Izvještaja.

Na kraju diskusije, koju su svi prisutni ocijenili kao konstruktivnu, vijećnici Bošnjačkog nacionalnog vijeća su validirali Izvještaj. Radionici je po red vijećnika prisustvovao i dr. Sulejman Ugljanin, predsjednik BNV-a, te zainteresovani građani.



**Bošnjačko nacionalno vijeće najoštrije osudilo napad i prebijanje dvojice studenata Bošnjaka iz Sandžaka u sjevernom dijelu Kosovske Mitrovice, koji se desio 10. aprila ove godine**

## **VLADA MORA DA OBEZBIJEDI SIGURNOST ZA BOŠNJAKE NA KOSOVU**

10. aprila 2015. godine, u samom centru sjevernog dijela Kosovske Mitrovice, dvojicu studenata bošnjačke nacionalnosti iz Novog Pazara je pretukla grupa mladića srpske nacionalnosti. U tom organizovanom napadu oni su fizički nasrnuli na njih i nanijeli im teške povrede, upućujući im prijetnje i uvrede na nacionalnoj i vjerskoj osnovi.

Bošnjačko nacionalno vijeće podsjetilo je javnost na brojne slučajeve bombaških napada, ubistava i paljenja kuća u Bošnjačkoj mahali u sjevernom dijelu Kosovske Mitrovice, kao i napade na nacionalnoj i vjerskoj osnovi i prijetnje smrću, kako samim žiteljima bošnjačke nacionalnosti na ovom području, tako i bošnjačkim studentima iz Sandžaka, koji u velikom broju studiraju na fakultetima u sjevernom dijelu Kosova.

BNV je pozvalo predsjednika Vlade Republi-



ke Srbije Aleksandra Vučića, ministra unutrašnjih poslova Nebojšu Stefanovića, ostale nadležne državne organe, kao i predstavnike međunarodne zajednice, da u potpunosti istraže ovaj napad, kaznu počinioce, a Bošnjacima obezbijede potpunu ličnu i imovinsku sigurnost, slobodu kretanja i normalne uslove života i studiranja.

**Skupština Opštine Tutin usvojila je na sjednici održanoj 30. marta ove godine Odluku o bližem uređenju službenе upotrebe bosanskog jezika i pisma na području opštine Tutin**

## **UREĐENA SLUŽBENA UPOTREBA BOSANSKOGA JEZIKA I PISMA**

**Očekuje se da će istovjetne odluke donijeti i druge lokalne samouprave u Sandžaku**

Ovom odlukom SO Tutin bliže se uređuju pojedina pitanja iz oblasti službene upotrebe bosanskoga jezika i pisma na području opštine Tutin, a naročito: način ostvarivanja službene upotrebe bosanskoga jezika i pisma u radu organa i organizacija na području opštine Tutin; korištenje u upravnom i sudskom postupku i vođenje upravnog postupka i sudskog postupka na bosanskom jeziku; upotreba u komunikaciji organa sa javnim ovlaštenjima i sa građanima; izdavanje javnih isprava i vođenje službenih evidencija i zbirki ličnih podataka i prihvatanje tih isprava kao punovažnih; upotreba na glasačkim listićima i biračkom materijalu; upotreba u radu predstavničkih tijela; pravo na upotrebu ličnog imena Bošnjaka, kao i na iz-



davanje javnih isprava i drugih isprava koje su od interesa za ostvarivanje zakonom utvrđenih prava građana; upotreba bosanskoga jezika u oblasti privjede i usluga, ispisivanje naziva mjesta, drugih geografskih naziva, naziva trgova i ulica, naziva organa, organizacija i firmi, objavljivanje javnih poziva, obavještenja i upozorenja za javnost, kao i ispisivanje drugih javnih natpisa; kao i druga pitanja koja su od značaja za ostvarivanje prava bošnjačke nacionalne zajednice, u skladu sa Ustavom i zakonima Republike Srbije.

Bošnjačko nacionalno vijeće nedavno je zatražilo od lokalnih parlamenta sandžačkih gradova usvajanje Odluke o službenoj upotrebi bosanskoga jezika i pisma.

**U okviru projekta „Bezbednosni rizici u Sandžaku i integrirani odgovor zajednice“, koji realizuje KC „DAMAD“ uz podršku ambasade Švajcarske, sprovedeno je istraživanje koje je imalo za cilj da sagleda kako mladi percipiraju bezbjednosne rizike, da mapira postojeće kapacitete i ograničenja institucija za integrirani odgovor na bezbjednosne izazove**

## **ŠKRIJELJ: SRBIJA MORA BEZ ODLAGANJA DA USPOSTAVI VLADAVINU PRAVA I PRAVNU SIGURNOST**

**U svom izlaganju sekretar Vijeća Ahmetin Škrijelj izrazio je žaljenje zbog činjenice da država do sada nije smogla snage da istraži i procesuirati sve zločine koji su počinjeni nad Bošnjacima tokom 90-tih godina, što kod Bošnjaka i dalje izaziva osjećaj straha i nesigurnosti**

Škrijelj je naglasio da Srbija, ukoliko želi da postane otvoreno, pravedno i demokratsko društvo zasnovano na vladavini prava i ukoliko želi da postane članica Evropske unije, mora omogućiti Bošnjacima ostvarivanje svih prava koja su im garantovana Ustavom, zakonom i međunarodnim standardima ali mora i konačno pronaći i privesti pravdi sve one koji su planirali, naređivali i izvršavali sve zločine počinjene nad Bošnjacima.

Škrijelj je takođe podsjetio da su zločine nad Bošnjacima uglavnom činili tadašnji predstavnici državnih organa, prvenstveno pripadnici Vojske i policije dok su predstavnici pravosudnih i ostalih državnih organa aktivno sudjelovali u tome ili ostajali nijemi na ono što se dešavalo pred njihovim očima.

„Imajući sve to u vidu, bez imalo zadrške, slobodno možemo da kažemo da su Bošnjaci tokom 90-ih godina prošlog vijeka bili izloženi organizovanom državnom teroru i progonu“, rekao je Škrijelj.

„lako je Srbija danas država koja je na putu ka Evropskoj uniji, mi do danas ne znamo ko je naredio i izvršio granatiranje bošnjačkog sela Kukuro-



vići 18. februara 1993.godine, mi ne znamo ko je odgovoran za ubistva, otmice, paljenja bošnjačkih sela i progona stanovništva, do sada nije pokrenut nijedan postupak radi utvrđivanja odgovornosti za teror kojim su Bošnjacima izloženi, podsjetiću Vas da je preko 17.500 Bošnjaka preživjelo policijsku torturu“.

Na kraju, je zaključio da je neophodno da država Srbija, bez odlaganja, uspostavi vladavinu prava i pravnu sigurnost, započne proces vraćanja povjerenja Bošnjaka u državne organe. Jedan od važnih koraka ka tom putu je i usaglašavanje nacionalne strukture zaposlenih u skladu sa nacionalnom strukturon stanovništva u policiji, sudu, tužilaštvu i ostalim ustanovama sa javnim ovlaštenjima.



Istraživanje, „Bezbednosni rizici u Sandžaku i integrirani odgovor zajednice“, Novi Pazar, 16. april 2015. godine

**Tradicionalni prijem povodom obilježavanja 20. aprila – Dana Grada Novog Pazara upriličen u Glavnom uredu Bošnjačkog nacionalnog vijeća, čiji je domaćin bio predsjednik BNV-a**

# **DR. UGLJANIN: BOGATSTVO RAZLIČITOSTI I DOBRI KOMŠIJSKI ODNOSI NAJVEĆA VRIJEDNOST NOVOG PAZARA MINISTARKA UDovičKI: BNV NAJVAŽNIJA I NAJLEGITIMNIJA INSTITUCIJA BOŠNJAKA**

**Prijemu je pored velikog broja gostiju prisustvovala i potpredsjednica Vlade Republike Srbije i ministarki državne uprave i lokalne samouprave g-đa Kori Udovički, koja je u svom govoru istakla da njen dolazak u sjedište najvažnije predstavničke institucije bošnjačkog naroda, kod legitimnih predstavnika Bošnjaka predstavlja početak zajedničkog rada na poboljšanju svih aspekata života, a naročito poštovanja ljudskih i manjinskih prava u procesu priključenja Srbije Evropskoj Uniji**

Predsjednik Ugljanin je pre svečanosti razgovarao sa ministarkom Udovički o radu Bošnjačkog nacionalnog vijeća, kao i o položaju Bošnjaka i sandžačkih opština.

Dr. Ugljanin i ministarka Udovički razgovarali su i o potrebi da državne institucije ozbiljnije, koordinisano i strateški pristupe problemima u Sandžaku, ali i problemima u vezi sa položajem Bošnjaka.

Na sastanku je istaknuto da je umjesto dosadašnjeg jednostranog pristupa neophodno da državne institucije postanu most za rješavanje ovih problema i to u saradnji sa legitimnim predstvincima Bošnjaka u Srbiji.

Predsjednik Bošnjačkog nacionalnog vijeća se obratio okupljenim građanima i rekao da ovaj dan ima poseban značaj za sve Bošnjake, ali i sve građane koji žive u Novom Pazaru, čija je jedna od najvećih vrijednosti bogatstvo različitosti i dobri komšijski odnosi koji su očuvani i u najtežim trenucima kroz historiju.

"Danas u Novom Pazaru živi najveći broj Bošnjaka i kao takav on je svojevrstan centar bošnjačke zajednice u Srbiji, zato je njegovo uređenje na svim poljima obaveza svakog Bošnjaka, ma gdje on danas živio", istakao je dr. Ugljanin.

U svom obraćanju prisutnima potpredsjednica i ministarki u Vladi Kori Udovički je, između ostalog, naglasila da je BNV najvažnija i najlegitimija bošnjačka institucija, te da je njen dolazak samo početak zajedničkog rada na polju poboljšanja ljudskih i manjinskih prava u procesu priključenja Srbije Evropskoj Uniji.



*Dana Grada Novog Pazara,  
Glavni ured Vijeća, Novi Pazar, 20. april 2015. godine*

Bošnjačko nacionalno vijeće aktivno na planu stručnog usavršavanja nastavnika

## SEMINAR: "KNJIŽEVNOST BOŠNJAKA U CILJU OČUVANJA NACIONALNOG IDENTITETA"

Nastavnicima razredne nastave (I do IV razreda) i nastavnicima predmetne nastave (V do VIII razreda) su pored stručnog usavršavanja uručena uvjerenja za četiri sata stručnog usavršavanja koje izdaje "Udruženje građana za mir, obrazovanje i kreativnost" iz Tuzle



Seminar: "Književnost Bošnjaka u cilju očuvanja nacionalnog identiteta", Nastavnici razredne nastave,  
Glavni ured Vijeća, 25. april 2015. godine

Autor i realizator programa stručnog usavršavanja bio je profesor bosanskog jezika i književnost Mehmed Pargan iz Tuzle.

Na seminaru je naglašeno da bošnjačka književnost ima svoj historijski kontinuitet i mora biti očuvana kroz književna djela, te da se stručnošću kroz institucije sistema mora dati posebna pažnja očuvanju kulturnog literarnog nasljeđa.

Bošnjaci Sandžaka na temelju književno-jezičke tradicije izgrađuju jedan sasvim novi pristup izučavanju bošnjačke književnosti ovih prostora. Da bi se nove generacije pripremile za temeljitiji pristup izu-

čavanju neophodno je vršiti stalnu edukaciju.

Istrajavanje na identitetu nije novina niti uvođenje novina, već put kojim se u kontinutetu Bošnjaci kreću posljednjih stoljeća.

„Mračni periodi“ u povijesti ostali su iza nas i bošnjaci su dobili priliku da svojim snagama pokažu svoj kvalitet, snagu književnosti i jezika-identitet.

Nastavnicima razredne nastave (I do IV razreda) i nastavnicima predmetne nastave (V do VIII razreda) su pored stručnog usavršavanja uručena uvjerenja za četiri sata stručnog usavršavanja koje izdaje Udruženje građana za mir, obrazovanje i kreativnost iz Tuzle.



Seminar: "Književnost Bošnjaka u cilju očuvanja nacionalnog identiteta", Nastavnici predmetne nastave,  
Glavni ured Vijeća, 25. april 2015. godine

**Povodom izjava koje je prenijela novinarka, Slađana Novosel u svom članku "Sastanak ili stranački skup" objavljenom u listu "Danas–Sandžak", Bošnjačko nacionalno vijeće izdalo je saopštenje za javnost**

## NEISTINE I ZLOUPOTREBA MEDIJA

Bošnjačko nacionalno vijeće osuđuje zloupotrebu medija i prenošenje neistina kojima se zlonamjerno dezinformiše javnost a koje su objavljene u posebnom dodatku dnevnog lista Danas, 24. aprila 2015. godine, pod naslovom Sastanak ili stranački skup.

Ovim putem Bošnjačko vijeće demantuje neistinu koju je izrekao Jahja Fehratović a prenio list Danas u kojoj se prijem, održan u ponedjeljak 20. aprila, povodom obilježavanja Dana grada Novog Pazara, kvalificuje kao stranački skup SDA Sandžaka a list Danas u antrfileu ističe neprovjerenu tvrdnju, kako novinar navodi, vijećnika liste „Za Bošnjake, Sandžak i Muftiju“ da je: „predsjednik Vijeća dr Sulejman Ugljanin zloupotrijebio Ministarstvo državne uprave i lokalne samouprave“, te da je predio stranački koktel u prostorijama Vijeća.

Vijeće je 20. aprila održalo koktel u prostorijama Glavnog ureda u čast 554-te godine grada Novog Pazara. Glavni povod jeste obilježavanje Dana grada, uzimajući u obzir da u gradu Novom Pazaru živi najveći broj sandžačkih Bošnjaka, da je Novi Pazar kulturni, ekonomski i obrazovni centar Sandžaka i da se u njemu nalazi sjedište

Bošnjačkog nacionalnog vijeća.

Dodatni povod za organizovanje ovog skupa bio je i činjenica da je predsjednik Vijeća, dr Sulejman Ugljanin bio gradonačelnik Novog Pazara od 2004. do 2008. godine, a potpredsjednica Vasvija Gusinac gradonačelnica u periodu od 2000. do 2004. godine.

Prijemu su prisustvovali gradonačelnici susjednih gradova, vijećnici Bošnjačkog nacionalnog vijeća i brojni građani Novog Pazara.

Na prijem su bili pozvani svi vijećnici Bošnjačkog nacionalnog vijeća.

Iz nepoznatih razloga vijećnici liste „Za Bošnjake, Sandžak i Muftiju“ su napustili prijem neposredno prije dolaska ministarke Kori Udovički.

Prijem je protekao u najboljoj atmosferi. Bošnjačko nacionalno vijeće je izdalo svoje zvanično saopštenje koje su i mediji objavili.

Prijem nije bio politički skup niti je bilo kakvih političkih govora, a o čemu postoji i dokumentovani audio i video zapis.

Bošnjačko nacionalno vijeće je zatražilo da se ovaj demanti objavi u dnevnom listu „Danas“.

**Bošnjačko nacionalno vijeće osudilo oružani incident u policijskoj stanci u Zvorniku koji se desio 27. aprila ove godine ali i odluku državnih organa Republike Srbije da tim povodom uvedu pojačane mjere bezbjednosti u Sandžaku**

## OSUDA ORUŽANOG INCIDENTA U ZVORNIKU

Bošnjačko nacionalno vijeće osuđuje oružani incident u policijskoj stanci u Zvorniku u kome su izgubljena dva ljudska života i gdje ima ranjenih.

Bošnjaci su kulturni, civilizovan, miroljubivi i demokratski orijentisani narod. Bošnjaci ni u svojoj nacionalnoj kulturi, tradiciji, niti vjeri nemaju nikakve veze sa bilo kakvim ekstremizmom ili nasiljem. U tom smislu svaki pojedinac, bez obzira na vjeru i naciju, treba da odgovara za nedjela koja počini.

U tom smislu osuđujemo odluku zvaničnika MUP-a i drugih državnih organa Srbije da povodom tog događaja uvedu pojačane mjere bezbjednosti u Sandžaku i na taj način pošalju poruku da čitav bošnjački narod žele da okrive za taj nemili događaj.

U isto vrijeme državni organi Srbije i srpska politička elita, genocid i sve druge zločine nad Bošnjacima

koje su počinili pripadnici srpskih oružanih snaga tokom 90-tih svode na individualnu krivicu.

Ovakav odnos državnih organa Republike Srbije prema Bošnjacima predstavlja direktnu prijetnju i dovođi u pitanje dalji opstanak Bošnjaka na ovim prostorima.

Pozivamo državne organe Bosne i Hercegovine i Srbije da se pozabave uzrocima ovakvih nemilih događaja i da ih otklone kako se ovo ne bi ponavljalo.

Bošnjačko nacionalno vijeće poziva međunarodnu zajednicu da efikasnim mjerama omogući privođenje pravdi i kažnjavanje svih zločinaca koji su vršili genocid i masovne zločine nad bošnjačkim narodom u Bosni i Hercegovini i Sandžaku tokom 90-tih kako se ubuduće ne bi događalo da se mlađi ljudi kada odrastu svete zbog ubijanja njihovih roditelja i drugih članova porodice.

U Bošnjačkom nacionalnom vijeću je 27. aprila 2015. godine održana promocija slogana i dodjela nagrada i zahvalnica učesnicima konkursa „Najbolji slogan za promociju nastave na bosanskom jeziku“

# NA BOSANSKOM JE LJEPŠE

Na konkursu su učestvovali učenici od prvog do osmog razreda iz 16 osnovnih škola sa teritorije Novog Pazara, Tutina, Sjenice, Prijepolja i Pribaja. Učenici su konkurisali sa ukupno 264 slogana



Bošnjačko nacionalno vijeće raspisalo je konkurs za "Najbolji slogan za promociju nastave na bosanskom jeziku" za učenike osnovnih škola na području grada Novog Pazara i opština Tutin, Sjenica, Prijepolje, Pribor i Nova Varoš.

Konkurs je imao za cilj izbor slogana koji će se koristiti u cilju promovisanja prava Bošnjaka na obrazovanje na maternjem bosanskom jeziku.

Konkurs je bio otvoren od 15. do 31. marta 2015. godine.

Odlukom Komisije, za najbolji slogan izabran je slogan „Na bosanskom je ljepše“, autorke Maide Halilović, učenice VIII razreda Osnovne škole „Aleksa Šantić“ – Kadiluk (Crkvine), iz Tutina.



Predsjednik Vijeća sa dobitnikom nagrade za prvo osvojeno mjesto na konkursu, Maidom Halilović

Drugoplasirani rad je slogan „U jatu zvijezda na nebu jezika, jedna sija jače od svih – to je zvijezda mog bosanskog jezika“, autora Adnana Višnjića, učenika I razreda Osnovne škole „Vuk Karadžić“ – Kladnica, iz Sjenice.

Treće mjesto pripalo je Amiru Zukorliću, učeniku III razreda Osnovne škole „Jovan Jovanović Zmaj“ iz Novog Pazara, sa sloganom „Pišem bosanski, mislim bošnjački“.

Za prvonagrađene rade su određene vrijedne nagrade: laptop računar za prvo, tablet urađaj za drugo i digitalni fotoaparat za treće mjesto.

Dobitnicima na Konkursu nagrade je uručio predsjednik Bošnjačkog nacionalnog vijeća dr Sulejman Ugljanin.



Uzimajući u obzir da je na konkursu pristigao veliki broj kreativnih i originalnih radova, Komisija je odlučila da simbolično, knjigom „Gnijezdo lijepih riječi“, nagradi i sedam dodatnih radova – autora Adelise Zornić iz Sjenice, Harise Koničanin, Delile Omerovićm, Ilhana Sejdovića, Merisa Muminovića, Demira Kadrića i Tarika Pepića iz Novog Pazara.

Komisija je, također, odlučila da se svim učesnicima na Konkursu dodjeli zahvalnice za učestvovanje.

Dodjeli nagrada i zahvalnica, kao i prigodnoj promociji pristiglih radova na Konkursu za najbolji slo-

gan za promociju nastave na bosanskom jeziku prisustvovao je veliki broj učenika sandžačkih osnovnih škola koji su učestvovali na Konkursu.

Konkurs je bio raspisan od 18. do 30. marta 2015. godine. Stručnu komisiju za izbor najboljih radova činili su: doc. dr. Redžep Škrinjelj, doc. dr. Sead Šemsović, književnica Mevluda Melajac, književnik Hajro Ikić i odgajatelj Farisa Fetahović.

Bošnjačko nacionalno vijeće se zahvalilo svim učesnicima konkursa i svim školama koje su uspješno sprovele ovu aktivnost.



**Bošnjačko nacionalno vijeće oštro protestovalo i osudilo tendenciozan tekst lista "Večernje novosti" u kojem se Aćif Hadžiahmetović, vođa odbrane grada tokom napada četnika na Novi Pazar u periodu II svjetskog rata označava ratnim zločincem i saradnikom sa okupatorom**

## SRPSKI MEDIJI GAZE OSJEĆANJA BOŠNJAKA

Bošnjačko nacionalno vijeće osudilo je tekst pod nazivom "Obaveza – život u miru", objavljen dana 22.04.2015. godine u listu "Večernje novosti" u kojem se Aćif Hadžiahmetović, vođa odbrane grada tokom napada četnika na Novi Pazar u periodu II svjetskog rata označava ratnim zločincem i saradnikom sa okupatorom.

Na ovaj način srpski mediji gaze osjećanja Bošnjaka prema jednom od najuglednijih sandžačkih političara u periodu između dva svjetska rata. Ponovnim pozivanjem da se ukloni tabla posvećena Aćif-efendiji, vrijeđaju se bošnjačke žrtve i osjećanja sandžačkih Bošnjaka.

Bošnjačko nacionalno vijeće osuđuje ovakvo tendenciozno pisanje novinara jer ono predstavlja još jedan u nizu pokušaja legalizacije zločina koje je komunistički režim počinio protiv Bošnjaka tokom i nakon II svjetskog rata.

BNV je podsjetilo javnost na još jedan paradoks vezan za ovu temu, odnosno da je sud u Novom Pazaru tadašnju načelniku gradske uprave, Selmu Pluncević, kaznio novčanom kaznom od 100.000 dinara jer nije naložila uklanjanje table iako gospođa Pluncević u tom periodu nije radila jer se nalazila na liječenju u bolnici zbog pokušaja ubistva koji je na nju izvršen.

Predsjednik Bošnjačkog nacionalnog vijeća dr Sulejman Ugljanin je na konferenciji za štampu, koju je održao 30. aprila 2015. godine, rekao da je odnos države prema Bošnjacima u Srbiji neprihvatljiv, neodrživ i da se mora učiniti sve da se praksa zastrašivanja Bošnjaka prekine

## ODNOS DRŽAVE PREMA BOŠNJACIMA NEPRIHVATLJIV I NEODRŽIV

**Govoreći o odnosu srpskih medija prema Bošnjacima, predsjednik Ugljanin je kazao da se stiče utisak da neki srpski mediji i neodgovorni politički zvaničnici iz političkog vrha jedva čekaju da se desi bilo kakvo zlo u svijetu i da to povežu sa Bošnjacima koji žive u Srbiji, da povećaju mjere bezbjednosti u Sandžaku, pojačaju policijske snage i na taj način priprijete Bošnjacima**

Obraćanje predsjednika Ugljanina na ovoj pres konferenциji prenosimo u cijelosti:

„Danas je sazvana ova press konferencija najvišeg predstavničkog organa Bošnjaka u Republici Srbiji, Bošnjačkog nacionalnog vijeća, sa ciljem da skrenemo pažnju na jednu vrlo opasnu pojavu koja zabrinjava, izaziva nezadovoljstvo kod bošnjačkog naroda u Srbiji i veliku zabrinutost, a to je činjenica da pojedini srpski mediji i neodgovorni politički zvaničnici pokušavaju da čitav bošnjački narod u Srbiji povežu sa svim nemilim događajima u svijetu.

Stiče se utisak da neki srpski mediji i neodgovorni politički zvaničnici iz političkog vrha, jedva čekaju da se desi bilo kakvo zlo u svijetu i da to povežu sa Bošnjacima koji žive u Srbiji, da povećaju mjere bezbjednosti u Sandžaku, gdje tradicionalno žive Bošnjaci, pojačaju policijske snage i na taj način priprijete Bošnjacima.

Imali smo slučaj, ako se sjećate, u jeku izborne kampanje za Bošnjačko nacionalno vijeće, kada je državni vrh Srbije, 24., 25. i 26. oktobra 2014. godine, u tri navrata zaprijetio bošnjačkom narodu u Sandžaku, gdje su već uvedene pojačane policijske snage u Sandžaku, pojačane političke mjere i medijski zastrašivan narod, mislim na bošnjački narod u Sandžaku.

Druga stvar, u noći 21. novembra, kada je došlo do sukoba navijača Crvene zvezde i Galatasaraja u Istanbulu i kada je poginuo Marko Ivković iz Beograda, desila se ista stvar da je državni vrh uveo pojačane policijske mjere u Sandžaku i da su, vezano sa tim, odložili fudbalsku utakmicu koja je

trebala da se održi u Novom Pazaru.

Imamo i sad najnoviji slučaj, koji se desio u Zvorniku, u Bosni i Hercegovini, van naših granica, i to je državni vrh iskoristio da priprijeti Bošnjaci ma Sandžaka.

Ovakav odnos države prema Bošnjacima je neprihvatljiv, neodrživ i moramo da učinimo sve da se takva praksa prekine.

Kao što sami znate, Bošnjaci su svih ovih godina pokazali da su jedan narod koji aktivno učestvuje u demokratskim procesima u zemlji, da su miran i civilizovan narod i da zaslužuju adekvatnu pažnju i poštovanje.

Cilj ove press konferencije jest da skrenemo pažnju u ime Bošnjačkog nacionalnog vijeća, da pozovemo državne organe da prestanu da koriste policiju, koju mi plaćamo, tužilaštvo koje mi plaćamo, bezbjednosne agencije koje, također, mi kao građani plaćamo, protiv Bošnjaka.

Došli smo u situaciju, tj. do zaključka, da u ovoj državi Srbiji postoji jedna viša klasa, a to je vladajuća garnitura u kojoj ima i nekoliko, imenom i prezimenom, poslušnih Bošnjaka koji njima služe, tužilaštvo, sudstvo, policija i vojska, koji su viša klasa i koja vlada, i svi ostali Bošnjaci, koji su niža klasa i kojima se vlada, što je neodrživo.

Međunarodna pravna dokumenta, posebno Okvirna konvencija, kao i sva druga evropska dokumenta, kažu da: država mora da se ustegne od medijskih i svih drugih postupaka koji zastrašuju ili na bilo koji način ugrožavaju bezbjednost manjina sa ciljem promjene demografske slike.

Na ovaj način državni vrh Srbije šalje poruku



Bošnjacima Sandžaka da su dežurni krivci i da im u ovoj državi nije mjesto, šalje poruku investitorima da ne investiraju u ovaj kraj, šalju poruku svima da nema perspektive za život, sve dok ovdje žive Bošnjaci. To moramo da promijenimo.

Mi smo ukazivali na ove stvari više puta u Skupštini Srbije, kao narodni poslanici, kao poslanici manjinskog poslaničkog kluba i iznosili smo stavove Bošnjačkog nacionalnog vijeća. Na žalost, kao što znate, do danas legitimni predstavnici Bošnjaka nisu dobili ni jedan jedini adekvatan odgovor na postavljena pitanja. Postavimo jedna pitanja – dobijemo odgovor na sasvim drugo pitanje, ili odgovori nemaju veze sa postavljenim pitanjima.

Sada se pitamo – koji su to mehanizmi, šta to garantuje Bošnjacima da mogu da ostvare svoja prava, imaju li kome Bošnjaci da se žale?

Ako se žale svojim predsjednicima opština, kao što znate, svaki bandit iz vladajuće garnitre može da napiše tužbu i da pošalje policiju i bandite sa bejzbol palicama da napadaju predsjednika opštine Sjenica i da mu ugroze život. Svaki bandit može da napadne odbornike, legitimne predstavnike grada Novog Pazara, da ih spriječi da uđu salu i da rade posao zbog kojeg su došli, i svaki građanin koji je izložen državnom teroru od šovinističkih nastrojenih policajaca u našem gradu, koji terorišu ljudе u sred gradu, nemaju kome da se žale. Jer ako se žale poslanicima, poslanici ne mogu ništa da učine, i ne mogu da dobiju adekvatan odgovor na ta pitanja. Ovo pitanje ćemo postaviti na prvoj sjednici Vijeća, i zauzet ćemo stav po svim ovim pitanjima.

Ponavljam na kraju da je ovakav odnos države prema Bošnjacima neprihvatljiv i neodrživ."

**U Bošnjačkom nacionalnom vijeću je održana promocija dokumentarnog filma „Heroji bitke za ranjenike”, koju je organizovalo Nezavisno društvo novinara Vojvodine**

## PROMOCIJA FILMA „HEROJI BITKE ZA RANJENIKE“ U BNV

**Na tribini je bilo govora o strahotama tokom ratnih devedesetih godina, poslijedicama koje su one ostavile na naše društvo, o primjerima dobra u tim vremenima zla ali i o istinskim herojima koji su spasavali ljudske živote, kao u slučaju aktera filma „Heroji bitke za ranjenike“**

U ime Bošnjačkog nacionalnog vijeća, na početku programa, prisutnima se riječima dobrodošlice, obratila Mevluda Melajac, predsjednica Odbora za informisanje Bošnjačkog nacionalnog vijeća.

Dokumentarni film "Heroji bitke za ranjenike", autora Aleksandra Reljića, posvećen je ljudima koji su tokom opsade Goražda devedesetih godina prošlog vijeka dali život spasavajući svoje sugrađane – dr Dušanki Vujasić, koja je poginula 1995. godine tokom granatiranja Ratne bolnice u Goraždu, u kojoj je radila, te Peri Daciću, heroju koji je ranjenike iz opkoljenog Goražda tokom prvih ratnih mjeseci prebacivao do bolnica preko linija fronta i koji je ubijen u Višegradu prilikom jedne takve spašilačke misije.

Film "Heroji bitke za ranjenike" dio je serijala dokumentarnih filmova "Živjeti zajedno", koji govore o pomirenju i obnovi međuetničkog povjerenja u Srbiji i Bosni i Hercegovini. Serijal je rađen u produkciji Nezavisnog društva novinara Vojvodine i Udruženja BH novinari, u koprodukciji Radio-televizije Vojvodine i u partnerstvu sa organizacijom



**Promocija filma film "Heroji bitke za ranjenike", Glavni ured Vijeća, 5. maj 2015. godine**

forum ZFD. Produciju filma podržala je Evropska unija iz fonda "Jačanje medijskih sloboda u Srbiji", a podršku projektu pružilo je i Ministarstvo kulture i informisanja Srbije.

Nakon projekcije filma, održana je tribina na kojoj su se publici obratili predsjednik Nezavisnog društva novinara Vojvodine, Dinko Gruhonjić, autor filma Aleksandar Reljić, novinar iz Goražda, Hasan Gabela, NVO aktivista Fahrudin Kladničanin, kao i novopazarski novinar Ishak Slezović.

Potpredsjednici Bošnjačkog nacionalnog vijeća Esad Džudžo i Muhedin Fijuljanin učestvovali na dvodnevnoj konferenciji „država i manjinska samouprava“ održanoj u Beogradu u okviru realizacije projekta „aktivni mladi za aktivne nacionalne savjete“.

## OBEZBJEDITI MANJINAMA NESMETANO OSTVARIVANJE PRAVA

Govoreći kao uvodničar na sesiji „Kulturna autonomija u kontekstu ingerencija Nacionalnih savjeta nacionalnih manjina“, Esad Džudžo je ukazao na niz problema sa kojima se suočavaju pripadnici bošnjačke nacionalne zajednice u ostvarivanju svojih prava.

On je posebno naglasio da je prvni okvir za ostvarivanje prava pripadnika manjinskih zajednica neadekvatan i ispod nivoa i standarda Okvirne konvencije i drugih obavezujućih međunarodnih dokumenata.

Učestvujući u radu konferencije Muhedin Fijuljanin je ukazao na nužnost promjene zakonskog okvira u skladu sa kojim bi pripadnici manjinskih



Konferencija: „Država i manjinska samouprava“, Beograd, 5. maj 2015. godine

nacionalnih zajednica mogli nesmetano ostvarivati svoja prava.

U organizaciji Bošnjačkog nacionalnog vijeća u Novom Pazaru, Sjenici i Tutinu održana su takmičenja iz bosanskoga jezika i jezičke kulture

## OBRAZOVANJE NA BOSANSKOM JEZIKU IMA BUDUĆNOST

U organizaciji Bošnjačkog nacionalnog vijeća, održano Republičko takmičenje iz bosanskog jezika i jezičke kulture za učenike petog i šestog razreda. Domaćin takmičenja bila je Osnovna škola u Selakovcu iz Novog Pazara.

Takmičenje iz bosanskoga jezika imalo je za cilj da afirmiše najkvalitetnije rezultate u nastavi bosanskoga jezika i jezičke kulture, da podstakne učenike na sticanje trajnijih lingvističkih znanja o maternjem jeziku, kao i da razvije saznanje o značaju književnog jezika i jezičke kulture.

Na takmičenju je učestvovao 51 učenik petog i šestog razreda iz Novog Pazara, Tutina i Sjenice.

Školska takmičenja iz bosanskog jezika i jezičke kulture su održana tokom mjeseca marta, a općinska tokom mjeseca aprila.



Općinsko takmičenje, Sjenica, 18. april 2015. godine



Republičko takmičenje, Novi Pazar, 9. maj 2015. godine



Općinsko takmičenje, Tutin, 18. april 2015. godine

Bošnjačko nacionalno vijeće u čast obilježavanja 11. maja – Dana bošnjačke nacionalne zastave  
u svim sandžačkim gradovima je organizovalo prigodne svečanosti i kulturne manifestacije

# 11. MAJ

# DAN BOŠNJAČKE NACIONALNE ZASTAVE

## PROMOVISAN RJEČNIK BOSANSKOGA JEZIKA I ILUSTROVANA MAPA SANDŽAKA



U prostorijama Bošnjačkog nacionalnog vijeća su održane promocije „Rječnika bosanskog jezika“ profesora Dževada Jahića i ilustrovana kulturnoška mapa Sandžaka koju je Emir Isović, ilustrator iz Sarajeva, izradio u saradnji sa Bošnjačkim nacionalnim vijećem.

Na promociji su pored dva autora govorili i Muamer Spahić, glavni urednik izdavačke kuće „Vrijeme“ iz Tuzle, Sevlid Hurtić, direktor izdavačke kuće

„NAM“ i prof. dr. Avdulah Mušović.

Profesor Dževad Jahić je rekao da je ovo do sada najveći projekt bosanskog jezika.

“Oni koji rade u nauci o bosanskom jeziku su svjedoci toga da smo ušli u fazu kad javnosti a i samom bošnjačkom narodu možemo na moderan, naučan i leksikološki način predstaviti naše kulturne i historijske vrijednosti, koje se kako je poznato najbolje ogledaju u jeziku”, naglasio je prof. Jahić.





Posebno je istaknuto da se ovim rječnikom koji je i rječnik sandžačke kulture i bogatog nasljeđa Sandžaka naučno potvrđuje da kako god Bosna ima svoj jezik i svoje pisce tako i Sandžak ima itekako vrijednu književnost, pisanu na tome istome bosanskom jeziku.

Promocija „Rječnika bosanskog jezika“ i predstavljanje ilustrovane kulturno-istorijske mape Sandžaka su bile prve u nizu od manifestacija koje Bošnjačko nacionalno vijeće organizovalo povodom obilježavanja 11. maja – Dana bošnjačke nacionalne zastave.



## ČESTITKA PREDSJEDNIKA DR. SULEJMANA UGLJANINA POVODOM NACIONALNOG BLAGDANA - DANA BOŠNJAČKE NACIONALNE ZASTAVE



*“Dragi Bošnjaci,*

*Upućujem Vam najiskrenije čestitke povodom 11. maja – Dana bošnjačke nacionalne zastave, koji je simbol naše dugogodišnje borbe za ostvarivanjem pojedinačnih i kolektivnih, nacionalnih i ljudskih prava.*

*Budite ponosni na činjenicu da nekada osporavana bošnjačka nacionalna zastava danas predstavlja ukras na svim nacionalnim i državnim institucijama u gradovima gdje žive pripadnici bošnjačkog naroda.*

*Sretan Vam 11. maj – Dan bošnjačke nacionalne zastave”.*



# SVEČANOSTIMA I KULTURNIM MANIFESTACIJAMA OBILJEŽEN DAN ZASTAVE

**Centralna svečanost ovogodišnjeg obilježavanja Dana bošnjačke nacionalne zastave  
održana je u Novom Pazaru, 10. maja 2015. godine**

U Glavnem uredu Vijeća, za visoke zvaničnike iz svih gradova Sandžaka, i goste iz Bosne i Hercegovine i Crne Gore, predsjednik Vijeća dr Sulejman Ugljanin, zajedno sa potpredsjednikom Bošnjačkog vijeća u Crnoj Gori, Munibom Ličinom, i predsjednikom Izvršnog odbora Bošnjačkog vijeća u Crnoj Gori, Mirsadom Džudževićem, priredio je svečani prijem, nakon kojeg je uslijedilo tradicionalno podizanje nacionalne bošnjačke nacionalne zastave ispred sjedišta Glavnog ureda Vijeća. Uz intoniranje himne sandžačkih Bošnjaka „Ja sin sam tvoj“, zastavu na jarbol je podigla istaknuta sandžačka sportistkinja, reprezentativka Srbije u atletici, prvakinja Evrope u krosu i višestruka pobjednica mnogobrojnih atletskih takmičenja širom svijeta, Amela Terzić.



*Bošnjačko nacionalno vijeće i  
Bošnjačko vijeće u Crnoj Gori*



*Defila učesnika Smotre bošnjačkih narodnih igara,  
Novi Pazar, 11. maj 2015. godine*



Čestitajući svim Bošnjacima njihov najveći nacionalni blagdan – Dan bošnjačke nacionalne zastave, predsjednik Bošnjačkog nacionalnog vijeća dr Sulejman Ugljanin u svom svečanom obraćanju naglasio je nužnost očuvanja nacionalnog identiteta, ističući tom prilikom značaj zastave kao nacionalnog simbola svakog naroda.

Završna Smotra bošnjačkih narodnih igara SBONI 2015. započela je defileom učesnika Igara, od zgrade Glavnog ureda Vijeća do novopazarske Koncertne dvorane, u kojoj su publici na bravuroznan način predstavila kulturno-umjetnička društva iz Brčkog, Goražda, Rožaja, Petnice, Tutina, Sjenice i Novog Pazara.

Program obilježavanja Dana zastave održan je u Sjenici svečanim podizanjem zastave ispred zgrade opštine Sjenica i prigodnim kulturnim programom.

Dan zastave obilježen je i u Tutinu bogatim kulturno umjetničkim programom u Multimedijalnom centru.



Podizanje zastave ispred zgrada Skupštine opštine, Sjenica, 11. maj 2015. godine



Predsjednik Vijeća i Amela Terzić prilikom podizanja bošnjačke nacionalne zastave ispred Glavnog ureda Vijeća u Novom Pazaru

U Domu revolucije u Prijepolju održana je proslava Dana bošnjačke nacionalne zastave, u bogatom kulturno-zabavnom programu učestvovali su folklorni ansambl Multimedijalnog centra iz Tutina i grupa „Derman“ iz Novog Pazara.

Dan bošnjačke nacionalne zastave uz prigodne programe obilježen i u Novoj Varoši i Priboju.



Sala Multimedijalnog centra, Tutin, 9. maj 2015. godine



# SMOTRA BOŠNJAČKIH NARODNIH IGARA - SBONI 2015



U okviru programa obilježavanja najvećeg blagdana Bošnjaka - Dana bošnjačke nacionalne zastave

## MLADOST POSTALA SIMBOL SVEČANOG OBILJEŽAVANJA DANA ZASTAVE

U organizaciji Bošnjačkog nacionalnog vijeća u sandžačkim gradovima realizovane su brojne manifestacije u okviru programa obilježavanja 11. Maja.

U Glavnom uredu Vijeća u Novom Pazaru, otvorena je izložba likovnih radova, uručene zahvalnice svim učesnicima i dodijeljene nagrade prvojoplasiranim konkursa za najbolje likovne i literarne radove, na konkursima "NA BOSANSKOM JE LJEPŠE", kao i pobjednicima republičkog takmičenja iz bosanskog jezika i jezičke kulture, laptop računar za prvo, tablet za drugo i digitalni fotoaparat za treće mjesto.

Također, Bošnjačko nacionalno vijeće je učenicima OŠ „Jovan Jovanović Zmaj“ iz Novog Pazara, školi koja je na svim konkursima Vijeća učestvovala sa najviše radova dodijelilo posebnu nagradu – interaktivnu tablu.

Tom prilikom predsjednik Bošnjačkog nacionalnog vijeća, dr Sulejman Ugljanin zahvalio se svim učesnicima konkursa, direktorima, nastavnicima i učiteljima škola, dobitnicima nagrada i svima onima koji su podržali ove značajne programe. On je posebno istakao bitnost izučavanja maternjeg jezika podsjećajući da ranijim generacijama to nije bilo dostupno. Naglasio je, da jedan od ciljeva ovih takmičenja jeste otkrivanje svojih talenata.



Predsjednik Vijeća, dr. Sulejman Ugljanin sa dobitnicima nagrada, prvih mesta na literarnog i likovnog konkursa i republičkog takmičenja iz bosanskog jezika



Predsjednik Izvršnog odbora Vijeća, prof.dr. Hasim Mekić sa dobitnicima nagrada literarnog i likovnog konkursa i republičkog takmičenja iz bosanskog jezika i jezičke kulture



### LIKOVNI KONKURS:

**Prvo mjesto, Eldin Ibrović, učenik II razreda OŠ „Vuk Karadžić“ iz Tutina;**  
**Drugo mjesto, Sara Fetić, učenica II razreda OŠ „Rifat B. Tršo“ iz Novog Pazara;**  
**Treće mjesto, Enesa Hot, učenica II razreda OŠ „Vuk Karadžić“ iz Tutina.**

### LITERARNI KONKURS:

**Prvo mjesto, Šejma Gicić, učenica V razreda OŠ „Vuk Karadžić“ iz Novog Pazara;**  
**Drugo mjesto, Elifa Mehmedović, učenica V razreda OŠ „Vuk Karadžić“ iz Novog Pazara;**  
**Treće mjesto, Suada Redžić, učenica V razreda OŠ „Rifat B. Tršo“ iz Tutina.**



Predsjednik Izvršnog odbora Vijeća, prof.dr. Hasim Mekić sa dobitnicima nagrada literarnog i likovnom konkursa i republičkog takmičenja iz bosanskog jezika i jezičke kulture



## “NA BOSANSKOM JE LJEPŠE”

**KONKURS ZA NAJBOLJI SLOGAN  
ZA PROMOCIJU NASTAVE  
NA BOSANSKOM JEZIKU**

I mjesto:  
*Na bosanskom je ljepše.*  
Ime i prezime: Meida Helić  
Osnovna škola: Akademski Sankt  
Mjesto: Čitluk, Tuzla  
Razred: VIII

II mjesto:  
*U jatu zvijezda na nebu sjekaju,  
jedna sija jače od svih - ovo je zvijezda mog bosanskog jezika.*  
Ime i prezime: Adnan Viličić  
Osnovna škola: Vuk Karadžić  
Mjesto: Kladanjica, Bjeljina  
Razred: I-1

III mjesto:  
*Pišem bosanski, mislim bošnjački.*  
Ime i prezime: Amira Zukorčić  
Osnovna škola: Jovan Jovanović Zmaj  
Mjesto: Novi Pazar  
Razred: III-3

<i>Srca bošnjaka kucaju na bosanskom jeziku, a razumiju sve ljude svijeta.</i> Ime i prezime: Adelisa Živadić Osnovna škola: Vuk Karadžić Mjesto: Kladanjica, Bjeljina Razred: VII-2	<i>JESTE SLIČNO, NIJE ISTO, DA BUDEMO SVI NA ČISTO. BOSANSKI JE JEZIK NAŠ O BOŠNJAĆE DA LI ZNAŠ?</i> Ime i prezime: Hanifa Končarčić Osnovna škola: Rilat Burđević Tršić Mjesto: Novi Pazar Razred: VI-4	<i>O SVIJETE JA SAM MOJOJ MAJCI DIJETE, A NE DETE!</i> Ime i prezime: Delfila Omerović Osnovna škola: Jovan Jovanović Zmaj Mjesto: Novi Pazar Razred: II-3
<i>Slušam kako zbore dva Bošnjaka, amar mog meraka!</i> Ime i prezime: Iman Begović Osnovna škola: Rifat Burđević Tršić Mjesto: Novi Pazar Razred: V-1	<i>Moj je moto „Bosanski pošto-poto!”</i> Ime i prezime: Marija Muminović Osnovna škola: Bratko Mjesto: Novi Pazar Razred: VI-1	<i>Bosanski govorim kad kuće, na bosanskom neka me u školi uče.</i> Ime i prezime: Davor Kadić Osnovna škola: Vuk Karadžić Mjesto: Novi Pazar Razred: II-4
<i>Jedna slika -puno bosanskih riječi...</i> Ime i prezime: Tatić Peđa Osnovna škola: Bratko Mjesto: Bratko Razred: V-7		

**Likovni konkurs  
„NA BOSANSKOM JE LJEPŠE”  
za promociju nastave na bosanskom jeziku**

I mjesto:  
  
Ime i prezime: Eldin Ibrović  
Osnovna škola: Vuk Karadžić  
Mjesto: Tuzla  
Razred: II-4

II mjesto:  
  
Ime i prezime: Sara Feđić  
Osnovna škola: Rilat Burđević Tršić  
Mjesto: Novi Pazar  
Razred: II-1

III mjesto:  
  
Ime i prezime: Enesa Hot  
Osnovna škola: Vuk Karadžić  
Mjesto: Novi Pazar  
Razred: II-4

# Literarni konkurs

## „NA BOSANSKOM JE LJEPŠE“

### za promociju nastave na bosanskom jeziku

#### I mjesto:

Ime i prezime: Šejma Gicić, Osnovna škola: Vuk Karadžić, Mjesto: Novi Pazar, Razred: V-5

#### Na bosanskom je ljepše -

Kada sam došla na ovaj svijet, babo me je učio svemu, od prvih koraka, vjere, do čitkog pisanja. Uvijek je iznova ponavljao: „Izrasti u dobru osobu i nikad nemoj zaboraviti ko si“.

Dok sam rastala, stvarala sam neki svoj bajkoviti svijet, u kojem je sve ružičasto i puno dječjih iznova izmišljenih igara. Ništa tada nisam razumjela, sve do polaska u školu. A onda, svijet je otvorio neka druga vrata. Iz one sigurne i veselje igre preselili su nas u svijet knjiga, koje su me natjerale da stvarala s vlastitim očima. Počeli su nas dijeliti na one koji dobro govore svoj maternji srpski jezik i na one koji to još uvijek ne Čak su me djeca jednog dana u prodavnici ismijala kada sam od prodavačice zatražila mlijeko. Iznova su me ubjedivali da je to mleko, i da je ono belo, a ne bijelo. Ja sam tvrdila suprotno. Znala sam da to nije greška, i da me je babo dobro pripremio za školu, ali sam ipak tog dana došla uplakana kući. Babo mi je, kao i uvijek, sve lijepo objasnio. Rekao je: „Vidi kćeri, čovjek koji se razbolio i na jedan period izgubio glas nemoćan je da kaže istinu. Nakon što iz postelje ustane, pružiće mu se prilika da kaže što želi reći. Upamti, doći će vikat kada će on govoriti, a svi će ga sa pažnjom slušati“. Obrisala sam suze i čekala vrijeme u kojem jezikom nećemo oponašati druge. Došao je taj vikat. U sve škole je ušao onaj jezik koji je samo jedno vrijeme bio bolestan pa nije imao snage boriti se sa glasnjima od sebe. Sada mi je mnogo ljepše, jer iz knjiga čitam baš onako kako i u svojoj kući govorim.

Upamtit ću ovaj period svog života, jer nam je vraćeno ono što nam je rođenjem pripadalo. Na bosanskom je zaista ljepše.

#### II mjesto:

Ime i prezime: Elifa Mehmedović, Osnovna škola: Vuk Karadžić, Mjesto: Novi Pazar, Razred: V

#### Na bosanskom je ljepše -

Svako živo biće mora živjeti dostojanstveno i biti tamo gdje pripada, mora znati ko je i govoriti svojim jezikom. Da bi razumjeli sebe moramo govoriti svojim maternjim jezikom.

Najljepša osjećanja će se najlakše prenijeti na svom maternjem jeziku.

Došlo je vrijeme kada svako može živjeti onako kako hoće i biti ono sto želi. Ja hoću da budem ono sto su bili moji djedovi Bošnjaci i hoću da govorim svojim bosanskim jezikom. To je moje pravo i moja želja. Sve sto želim da kažem, mnogo ljepše prenosim ako izgovorim na bosanskom jeziku. Hoću da slobodno govorim na svom jeziku, da se ne sustežem i plašim da će možda pogriješiti. Želim, da kada se ljepo osjećam to slobodno i prenesem. Neću da razmišljam kako da izgovorim, hoću da ljudi oko mene znaju da ja govorim bosanskim jezikom, da je to moj jezik i da se ponosim time. Neću da se stidim svog porijekla! Hoću da ponosno govorim, da jedem hleb, slušam vjetar i suho lišće, gledam snijeg koji pada, setam pored rjeke, sjedim za hastalom, idem na vrijeme u školu i kuham mami kahvu.

Želim da budem djevojčica, prava muslimanka i da priče svojih djedova pričam na onom jeziku kojim su oni meni govorili. Neću da mijenjam nijednu riječ, jer mi je svaka riječ ljepše na bosanskom i svaka ta riječ u meni budi osjećaj sigurnosti i topline.

#### III mjesto:

Ime i prezime: Suada Redžić, Osnovna škola: Rifat Burđović Tršo, Mjesto: Tutin, Razred: V

#### Na bosanskom je ljepše -

Proleće... Svuda behar, vjetar blago puha, ne svom snagom, a ja našla da mislim dok za sofrom sjedim, jedemo taze pitu ispečenu, i to posebno ljepo.

Da ovo pišem u vrijeme djetinjstva moga baba bila bih ismijana od nastavnice jezika i države u kojoj živim. Sofra i zeljanik bi postali vic, a ljepše nego reći zajednice. A zašto su nam to "veliki" uskratili?

To gore rečeno aludira na dževap za postavljenao pitanje. Uskratiti nam pravo na jezik? Da govorimo i pišemo svojim jezikom. Da bogatstva našeg jezika bliježimo kabetom u kitabe.

Jezik je za kulturu jednog naroda izvor, sebilj, a što u prirodi ima ljepše od izvora.

Ovaj moj jezik kojim sada pišem zove se bosanski. Ja bih mu dala ime gospodarski, jer narod koji govorи ovim jezikom je gospoda. Cijelo stoljeće robija iza nas, a ostali smo gospoda. A zašto to velim? Zato, jer smo od djedova naslijedili da na zlo uzvratimo dobrim. Iako nisu na nekom drugom jeziku. Amam, i ovo što mislim je na bosanskom ljepše.

Nego, u mojim mislima, da ja nastavim jesti moj ljepi zeljanik s kiselim mlijekom, a uskoro će i kahva biti za starije, a za nas mlađe spremam dugum, a u njemu kuhanji čaj. Uz čaj i po koli dud, slatko ili kako mi to u našoj kući velimo hadžimakulja.

Sve šta imamo od riječi je doista pravo bogatstvo. Sve šta kažem na engleskom je lijepo, na francuskom melodično, ali bogme na bosanskom je ljepše.

**Postdiplomci sa američkog Arcadia univerziteta, sa programa "Međunarodni mir i sprečavanje konflikata" u posjeti Bošnjačkom nacionalnom vijeću**

## **PROFESORI I STUDENTI IZ AMERIKE GOSTI BNV-A**

**Tokom razgovora predsjednik Ugljanin je mlade stručnjake za međunarodne odnose i sprečavanje konflikata, upoznao o nastanku, razvoju i institucionalizaciji Bošnjačkog nacionalnog vijeća kao prvog takvog primjera manjinske samouprave u Republici Srbiji**

Profesori i studenti postdiplomskih studija na Univerzitetu Arcadia u Pensilvaniji, USA, sa programa Međunarodni mir i sprečavanje konflikata razgovarali su danas sa predsjednikom Vijeća o položaju nacionalnih manjina u Republici Srbiji, manjinskoj politici, uslovima i okolnostima za bavljenje ljudskim i manjinskim pravima u Srbiji kao i mogućim pravcima za unapređenje manjinske politike i položaja manjinskih zajednica.

Gosti su posebno zanimali za probleme i teškoće sa kojima se manjine susreću, o specifičnim zakonskim rješenjima koja važe u Srbiji za manjine kao i postojanju mehanizama Evropske unije za pomoć u rješavanju istih.

Posjeta Vijeću i Sandžaku realizovala se kao prak-



**Profesori i postdiplomci kod Predsjednika Vijeća,  
Glavni ured Vijeća, 10. maj 2015. godine**

tični dio studijskog programa i tom prilikom su uručili posebnu zahvalnicu rukovodstva univerziteta predsjedniku dr. Ugljaninu na podršci i doprinosu ovom programu.

## **PREDSTAVNICI BNV U MINISTARSTVU KULTURE I INFORMISANJA**

**Ministru Tasovcu ponovo ukazano na prepreke u ostvarivanju prava na informisanje na bosanskom jeziku i ponovljen zahtjev za obustavljanje privatizacije Regionalne televizije**

Potpredsjednik Bošnjačkog nacionalnog vijeća Muhedin Fijuljanin i sekretar vijeća Ahmedin Škrijelj učestvovali su na sastanku u ministarstvu kulture i informisanja, 13. maja 2015. godine, čija je tema bila informisanje na jezicima manjina.

Ispred Ministarstva kulture i informisanja na sastanku su učestvovali ministar Ivan Tasovac, državni sekretar Saša Mirković i načelnica u Sektoru za informisanje Snežana Pečenčić.

Predstavnici Bošnjačkog nacionalnog vijeća ukazali su tom prilikom na probleme u ostvarivanju prava na informisanje i ostvarenje samouprave u ovoj oblasti.

Oni su posebno istakli potrebu sistemskog rješenja ovog pitanja i obezbjeđenja ostvarenja informisanja na jezicima manjina kao javnog interesa.

U vezi sa tim oni su ponovo istakli zahtjev za prenos osnivačkih prava nad Regionalnom televizijom Novi Pazar i obustavljanje njene privatizacije, kao i da



su neprenošenjem osnivačkih prava nad Regionalnom televizijom na Bošnjačko nacionalno vijeće jedino Bošnjaci ostali bez tog prava, što je diskriminacija.

Predstavnici Bošnjačkog nacionalnog vijeća ukazali su na nejednak tretman i položaj manjina u centralnoj Srbiji u odnosu na manjine u Vojvodini, ističući neopohodnost promjene zakonskog okvira i sistemskog pristupa rješavanju svih problema.

15. maja 2015. godine održana sjednica Vijeća

# TREĆA REDOVNA SJEDNICA BOŠNJAČKOG NACIONALNOG VIJEĆA



Bošnjačko nacionalno vijeće na trećoj redovnoj sjednici jednoglasno je usvojilo Zaključak kojim se osuđuje odluka Višeg suda u Beogradu o rehabilitaciji vođe fašističko-četničkog pokreta u Srbiji Draže Mihajlovića.

Vijeće je također, jednoglasno donijelo zaključak da se preminulom Dragoljubu Todoroviću, advokatu i publicisti, posthumno dodijeli priznanje i da se obilježi njegova borba za ljudska prava.

Na sjednici su usvojena važna normativna akta i odluke koje su od značaja za efikasniji rad i poslovanje Vijeća i za cilj imaju otklanjanje prepreka u pogledu implementacije nadležnosti Vijeća u praksi, uspostavljanje mehanizama za kontrolu i

nadzor ostvarivanje prava Bošnjaka u Srbiji.

Na sjednici je naglašeno da su donijeta akta i odluke rezultat višemjesečnog rada nadležnih odbora, analize primjene akata Vijeća u praksi ali i saradnje sa drugim Vijećima nacionalnih manjina i nadležnim državnim organima.

Vijeće je također donijelo odluku kojom se Izvršnom odboru Bošnjačkog nacionalnog Vijeća povjerava donošenje odluke o rekonstrukciji Odbora Vijeća sa ciljem da se u rad odbora uključe vijećnici koji do sada nisu učestvovali i kako bi se stvorili uslovi za postizanje bošnjačkog jedinstva, zajednički rad i dogovor, jer su zbog toga birani na izborima.



# BNV JEDNOGLASNO PROTIV ODLUKE O REHABILITACIJI DRAŽE MIHAJLOVIĆA

**Vijećnici su konsenzusom osudili sramnu i skandaloznu odluku Višeg suda u Beogradu i ocijenili da je ovo još samo jedan u nizu dokaza prekrajanja historije i legalizacije planski počinjenih masovnih zločina nad Bošnjačkim narodom**

U Zaključku se ističe da je za Bošnjačko nacionalno vijeće odluka Višeg suda u Beogradu o rehabilitaciji Draže Mihailovića skandalozna, sramna i bez presedana, kao i da je to je još jedan u nizu dokaza pokušaja prekrajanja historije, negiranja i legalizacije planski počinjenih masovnih zločina, konstantne genocidne politike prema bošnjačkom narodu na ovim prostorima i ponovo rađanje fašizma u srcu Evrope.

BNV je zaključak dostavilo svim ambasadama u Republici Srbiji, kao i međunarodnim institucijama i organizacijama i od njih zatražilo osudu i hitnu

reakciju, s obzirom da je ova odluka direktno suprotna antifašističkom i demokratskom opredjeljenju Evropske Unije kojoj kao zemlja težimo.

Zaključak o osudi rehabilitacije vođe četničkog pokreta Draže Mihailovića je dostavljen i predsjedniku Republike Srbije, predsjedniku Vlade Republike Srbije i ministrima u Vladi Republike Srbije, od kojih je zatraženo da se Bošnjacima hitno obezbijedi neophodna pravna sigurnost, vladavina prava i jednakost pred zakonom, kao i da hitno i bez odlaganja utiču da se ova sramna odluka poništi.

## Saopštenje za javnost BNV-a nakon odluke Višeg suda u Beogradu da rehabilituje Dražu M.

# REHABILITACIJOM MIHAJLOVIĆA PONOVO ROĐEN FAŠIZAM U SRBIJI

“Bošnjačko nacionalno vijeće izražava najoštiri protest povodom odluke Višeg suda u Beogradu o rehabilitaciji Draže Mihailovića, osnivača i vođe fašističkog četničkog pokreta u Srbiji, koji je odgovoran za planirano etničko čišćenje, masovna ubistva i progone bošnjačkog naroda u Sandžaku, kao i žrtva svih naroda koji žive na ovim prostorima.

Vođa fašističko-četničkog pokreta u Srbiji Draža Mihailović je svojim zvanično pisanim naredbama, naređivao, citiramo: “Stvaranje velike Srbije, čišćenjem državne teritorije od nacionalnih manjina i nenarodnih elemenata” i “Uspostavljanje zajedničke granice Srbije i Crne Gore etničkim čišćenjem Sandžaka”.

Bošnjačko nacionalno vijeće smatra da je odluka Višeg suda u Beogradu o rehabilitaciji Draže Mihailovića skandalozna, sramna i bez presedana.

To je još jedan u nizu dokaza pokušaja prekranja historije, negiranja i legalizacije planski počinjenih masovnih zločina, konstantne genocidne politike prema bošnjačkom narodu na ovim prostorima i ponovo rađanje fašizma u srcu Evrope.

U proteklih 100 i više godina, četničke i druge na-

oružane jedinice u sastavu srpske policije i vojske ili uz njihovu pomoći i podršku, u više navrata vršili su genocid, masakre i progonstva bošnjačkog civilnog stanovništva iz Sandžaka i drugih krajeva u kojima žive. Umjesto dalje osude takvih neprimjerenih akata i zločina, vršenih u svim vremenskim razdobljima i pod svim režimima, odlukom o rehabilitaciji njihovih nalogodavaca i počinilaca šalje se negativna poruka javnosti da će od krivičnog gonjenja i osude biti oslobođen svako ko isto to bude činio ili mu je namjera činiti.

Bošnjačko nacionalno vijeće zahtijeva osudu i hitnu reakciju međunarodne zajednice, s obzirom da je ova odluka direktno suprotna antifašističkom i demokratskom opredjeljenju Evropske Unije kojoj kao zemlja težimo.

Tražimo zaštitu za žrtve i potomke Bošnjaka, žrtava zločinačkog četničkog pokreta, a nadležne organe u Srbiji pozivamo da prestanu sa falsifikovanjem istorije i ponište ovu sramnu odluku.

Tražimo da se Bošnjaci u Srbiji zaštite i da im se hitno obezbijedi neophodna pravna sigurnost, vladavina prava i jednakost pred zakonom”.

Vijeće u cilju pospješivanja i podrške nastave na bosanskom jeziku organizovalo naučni skup kako bi doprinijelo edukaciji i stručnom usavršavanju nastavnika koji rade u obrazovno-odgojnem procesu u okviru nastave na bosanskome jeziku

## "RAZVOJ KREATIVNOG I FUNKCIONALNOG MIŠLJENJA"

Bošnjačko nacionalno Vijeće je u saradnji sa Savezom učitelja Republike Srbije organizovalo akreditovani stručni skup – tribinu na temu RAZVOJ KREATIVNOG I FUNKCIONALNOG MIŠLJENJA (NTC SISTEM UČENJA).

Seminar, koji je održan u Novopazarskom hotelu "Atlas" otvorio je predsjednik Izvršnog odbora Vijeća prof. dr. Hasim Mekić, koji je pozdravio prisutne i iskazao zadovoljstvo zbog velikog broja prijavljenih nastavnika.

Predavač na seminaru dr. Ranko Rajović, govorio je na temu razvoja funkcionalnog znanja i učenja pomoći asocijacije i povezivanje asocijacije.

Uroš Petrović, istakao je važnost razvoja konvergentnog i divergentnog mišljenja, kroz zagonetkne i pitanja.

Gorica Ivanović, nastavnik razredne nastave, naglasila je bitnost razvoja kreativnog i funkcionalnog mišljenja učenja u praksi.

Zainteresovanost prosvjetnih radnika za ovaj vid i tip stručnog usavršavanja bila je ogromna, o čemu svjedoči i broj prisutnih učesnika skupa, a između ostalog i činjenica da ovaj tip edukacije do sada nije organizovan na ovom području.



Predstavnici Bošnjačkog nacionalnog vijeća 26. maja 2015. godine, u Beogradu na sastanku sa ministrom prosvjete, nauke i tehnološkog razvoja dr Srđanom Verbićem i njegovim saradnicima o ostvarivanju prava na obrazovanje Bošnjaka na bosanskom jeziku

## PROAKTIVNE MJERE ZA OSTVARIVANJE OBRAZOVANJA NA BOSANSKOM JEZIKU

Potpredsjednik Vijeća Esad Džudžo, predsjednik Izvršnog odbora prof. dr Hasim Mekić i predsjednik Odbora za obrazovanje Bajro Grgić, razgovarali su 26. maja 2015. godine, u Beogradu, sa ministrom Verbićem i njegovim saradnicima o ostvarivanju prava na obrazovanje Bošnjaka na bosanskom jeziku.

Ministarstvo prosvjete, nauke i tehnološkog razvoja obavezalo se da razmotri sva pitanja i iznađe najbolja moguća rješenja koja su u interesu Bošnjaka i njihovog ostvarivanja prava na obrazovanje na bosanskom jeziku.

Ministarstvo prosvjete, nauke i tehnološkog razvoja će, posebno preuzeti mjere kako bi se usvojili nastavni planovi za III i VII razred osnovne škole, kao i za III razred srednje škole, razmotriti ostvarenje ingerencija Bošnjačkog nacionalnog vijeća u vezi sa izborima organa

ustanova, razmotriti pitanje imenovanja savjetnika za obrazovanje na bosanskom jeziku pri školskim upravama, obezbjediti učešće predstavnika Ministarstva prosvjete, nauke i tehnološkog razvoja i Bošnjačkog nacionalnog vijeća u procesu izjašnjavanja roditelja za nastavu na bosanskom jeziku, produžiti rok za izbor izdavača, kao i rok za prijavu za projekat besplatnih udžbenika kao i to da u Kalendar takmičenja koje donosi Ministarstvo prosvjete, nauke i tehnološkog razvoja uvrstiti i takmičenje iz bosanskog jezika.

**U cilju izrade sveobuhvatne analize primjene Zakona o nacionalnim savjetima nacionalnih manjina i utvrđivanje smjernica za njegovu izmjenu, u organizaciji Evropske komisije – Direktorata za susjedsku politiku i proširenje i Ministarstva državne uprave i lokalne samouprave, u Beogradu je 28. maja, održana ekspertska misija (TAIEX) sa prof. dr. Rajnerom Hofmanom**

## **EVROPSKA KOMISIJA NADGLEDA POLOŽAJ I PRAVA MANJINA**

**Sastanku su prisustvovali predstavnici nacionalnih Vijeća bošnjačke, njemačke, mađarske, crnogorske, vlaške, bugarske, bunjevačke i češke nacionalne manjine. Sastanku je ispred Bošnjačkog nacionalnog vijeća prisustvovao sekretar Vijeća, Ahmedić Škrijelj**

Sekretar Vijeća Ahmedić Škrijelj tom prilikom ukaže na stav Bošnjačkog nacionalnog vijeća da Zakon o nacionalnim savjetima nacionalnih manjina nije dobar i ne obezbeđuje nacionalnim vijećima ostvarivanje manjinske samouprave, kako je to proglašeno Ustavom. On je posebno naglasio da zakon ne definiše pravni status nacionalnih vijeća, kao i da se njime umanjuju ovlašćenja koja, bi shodno Ustavu, nacionalna vijeća morala da imaju.

Prof. dr Hofman je upoznat i o činjenicama vezanim za postupak izbora nacionalnih vijeća, odnosno o tome da postojeći zakon i podzakonska akta, koja regulišu postupak izbora nacionalnih vijeća, onemogućavaju održavanje demokratskih, transparentnih i fair izbora za nacionalna vijeća. U razgovoru je istaknuto da zakon ne sadrži ni kaznene odredbe za nepoštovanje zakonom propisanih nadležnosti.

Prof. Hofmanu su predloženi problemi sa kojima se BNV susreće u radu a koji se tiču ostvarivanja nadležnosti u oblastima obrazovanja, kulture, informisanja i službene upotrebe jezika i pisma ali i finansiranja Vijeća, kao i o postupcima koje je Vijeće pokrenulo kod Ustavnog suda, Upravnog suda, Vlade i nekoliko ministarstava, a koji još uvijek nisu riješeni.

Sekretar vijeća je naglasio činjenicu da nepostojanje regionalne autonomije za Sandžak predstavlja veliku prepreku za ostvarivanje prava Bošnjaka u Srbiji koja su im garantovana domaćim i međunarodnim pravom. Upoznat je da je Narodnoj skupštini predata na usvajanje Rezolucija za rješavanje pitanja nacionalnih manjina u Republici Srbiji.

Na sastanku je dogovoren da Vijeće nadležnom ministarsvu, ali i predstavnicima EU, dostavi svoje prijedloge za izmjenu i dopunu zakona.

**U prostorijama Bošnjačkog nacionalnog vijeća organizovana je javna tribina na temu**

**“Nastava historije u osnovnim i srednjim školama u Sandžaku”**

## **IZRADA ČITANKI IZ BOŠNJAČKE HISTORIJE I KULTURE**

**Tribini su prisustvovali nastavnici i profesori historije u obrazovno-odgojnim ustanovama u Sandžaku, kao i nastavnici i profesori ostalih predmeta kojima se označava posebnost bošnjačke nacionalne zajednice**

U ime domaćina, prisutnima se obratio Esad Džudžo, potpredsjednik Vijeća, koji je govorio o značaju nastave historije u obrazovno-odgojnim ustanovama u Sandžaku.

Potpričnik Džudžo je upoznao prisutne i sa izradom čitanki iz bošnjačke historije i kulture, koje će od naredne školske godine biti u upotrebi u nastavi na bosanskom jeziku.

Na tribini su govorili i prof. dr. Izet Šabotić, profesor historije na Univerzitetu u Tuzli i Mirza Čehajić, mr. historije i savjetnik u Pedagoškom zavodu u Zenici. Oni su prenijeli iskustva iz nastave historije bošnjačkog naroda u Bosni i Hercegovini i upoznali prisutne sa nastavnim planom i programom i nastavnim jedinicama koje će biti zastupljene u



**“Nastava historije u osnovnim i srednjim školama u Sandžaku”,  
Glavni ured Vijeća, 30. maj 2015. godine**



čitanki za sedmi razred osnovne škole.

Poslije predavanja otvorena je diskusija u kojoj je učestovao veliki broj prisutnih nastavnika i pro-

fesora i gdje je bilo riječi o preprekama na koje se nailazi u nastavi historije, kao i mogućnostima za prevazilaženje tih prepreka.

**Potpredsjednici Bošnjačkog nacionalnog vijeća Esad Džudžo i Muhedin Fijuljanin učestvovali su na sastanku predstavnika nacionalnih savjeta nacionalnih manjina sa ministrom prosvjete, nauke i tehnološkog razvoja dr. Srđanom Verbićem i njegovim saradnicima**

## KOORDINACIJA MANJINA KOD MINISTRA PROSVJETE

**Ministar Verbić istakao je da će se Ministarstvo založiti za rješavanje svih problema, te da su potpuno otvoreni za manjine i njihove predstavnike i da je neophodno partnerski rješavati sva pitanja**

Nastupajući kao zamjenik predsjednika Koordinacije nacionalnih savjeta Esad Džudžo upoznao je ministra Verbića sa aktivnostima koje je Koordinacija imala u vezi sa pitanjem obrazovanja na manjinskim jezicima. On je ukazao na nužnost poštovanja prava manjina i unaprjeđenja njihovog položaja.

Govoreći u ime Bošnjačkog nacionalnog vijeća, potpredsjednik Vijeća Muhedin Fijuljanin ukazao je na probleme sa kojima se Bošnjaci susreću u oblasti obrazovanja. Posebno je istakao problem onemogućavanja izjašnjavanja pripadnika bošnjačke nacionalne zajednice za nastavu na svom maternjem bosanskom jeziku, posebno u opština Prijepolje i Priboj. Ukazao je i na probleme u postupku usvajanja nastavnih planova i programa, posebno historije, u vezi sa čim se pokušava osporiti nacionalni identitet Bošnjaka i izbaciti Sandžak. Fijuljanin je zatražio izradu posebnog kataloga udžbenika na manjinskim jezicima i uključenje udžbenika na bosanskom jeziku u program besplatnih udžbenika.



Koordinacija nacionalnih savjeta kod Ministra Verbića,  
Beograd, 1. jun 2015. godine

Zaključke sa sastanka Koordinacije u Kovačici prezentovala je Svetlana Zolnjan, predsjednica Odbora za obrazovanje nacionalnog savjeta slovačke nacionalne manjine.

Na sastanku su učestvovali predstavnici svih nacionalnih savjeta nacionalnih manjina a ispred Ministarstva prosvjete, pored ministra Verbića, prisustvovali su i državna sekretarka prof. dr. Zorana Lužanin, pomoćnica ministra Vesna Lukić, šef kabineta Nemanja Đordović i viša savjetnica zadužena za obrazovanje nacionalnih manjina Jasmina Peruničić Allen.

**Potpredsjednik Bošnjačkog nacionalnog vijeća sa saradnicima primio u odvojenim susretima ambasatore Mađarske i Austrije**

## AMBASADORI UPOZNATI SA TEŠKIM POLOŽAJEM BOŠNJAKA U SRBIJI

**U oba susreta govoreno je o situaciji u kojoj se trenutno nalaze Bošnjaci, jer su jedini narod na prostoru bivše SFRJ čiji status još uvijek nije riješen, kao i o značaju pregovora Srbije sa EU u kontekstu rješavanja statusa Bošnjaka u Srbiji**

Bošnjačko nacionalno vijeće su posjetili ambasador Mađarske NJ.E. gospodin dr. Attila Pinter i ambasador Austrije NJ.E. gospodin Johannes Eigner. Predsjednik Vijeća, dr. Sulejman Ugljanin

sa saradnicima je u odvojenim susretima primio ambasatore koje je upoznao sa radom i funkcionisanim Bošnjačkog nacionalnog vijeća.

Ambasadori su upoznati sa položajem Boš-

njaka u Srbiji, sa problemima koje Bošnjaci imaju i nerješenim pitanjima koja opterećuju Bošnjake kao i aktivnostima Vijeća u rješavanju tih pitanja.

U razgovorima je naglašen značaj Akcionog plana za nacionalne manjine koji se izrađuje u okviru pregovora o pristupanju Srbije Evropskoj uniji, tačnije u okviru poglavlja 23. i 24.

Govoreći o procesu pristupa Srbije Evropskoj uniji, predsjednik Vijeća je naglasio značaj Rezolucije za rješavanje statusa nacionalnih manjina u Republici Srbiji, podnijete od strane manjinske poslaničke grupe SDA Sandžaka-PDD, koja predstavlja putokaz kojim Srbija treba ići kroz navedena poglavlja u pregovorima.



Ambasador Austrije N.J.E. gospodin Johannes Eigner u BNV-u,  
Glavni ured Vijeća, 2. jun 2015. godine



Ambasador Mađarske N.J.E. gospodin dr. Attila Pinterv u BNV-u,  
Glavni ured Vijeća, 2. jun 2015. godine

Potpredsjednici Vijeća Esad Džudžo, Vasvija Gulinac i Muhedin Fijuljanin, učestvovali 3. juna 2015. godine, na zvaničnom sastanku u Beogradu sa delegacijom komisije eksperata Savjeta Evrope na kojem je analiziran treći izvještaj o sprovođenju Evropske povelje o regionalnim ili manjinskim jezicima, kojeg je Republika Srbija predala Savjetu Evrope

## POŠTOVANJE SANDŽAKA KAO HISTORIJSKE OBLASTI

**Članom 7. ovog pravno-obavezujućeg međunarodnog dokumenta, izričito se zahtjeva od svake države članice da gradi svoju politiku, zakonodavstvo i praksu u cilju i na načelu "poštovanja geografske oblasti svakog regionalnog ili manjinskog jezika kako bi se obezbjedilo da postojeća ili nova upravna podjela ne predstavlja prepreku unaprjeđenju regionalnog ili manjinskog jezika"**

Tokom razgovora sa komisijom eksperata Savjeta Evrope, predstavnici BNV iznijeli su primjedbe na tekst državnog izvještaja o primjeni Evropske povelje o regionalnim ili manjinskim jezicima, osvrćući se posebno na sve oblasti regulisane Poveljom i prihvaćene obaveze Republike Srbije u vezi sa tim.

U razgovoru je posebno naglašeno da postojeća ustavna i zakonska rješenja, odnosno pravni okvir Republike Srbije ne daje dovoljne garancije za otvarenje prava pripadnika manjinskih nacionalnih zajednica i da ga je neophodno izmijeniti.

Delegaciji komisije eksperata pružene su informacije o svim problemima u ostvarivanju prava



Bošnjaka u Republici Srbiji uopšte, a posebno u oblastima obrazovanja, službene upotrebe jezika i pisma, kulture, informisanja, ekonomskom i društvenom životu, kao i prekograničnoj saradnji.

Na sastanku su nabrojani svi pojedinačni slučaji uskraćivanja i onemogućavanja ostvarivanja prava pripadnika bošnjačke nacionalne zajednice i istaknuti jasni stavovi u vezi primjene odgovarajućih standarda u vezi sa tim.

Posebno, delegaciji eksperata Savjeta Evrope ukazano je na osnovne ciljeve i načela Evropske povelje o regionalnim ili manjinskim jezicima, koja

se ogledaju u članu 7. ovog pravno obavezujućeg međunarodnog dokumenta, a u kojem se izričito zahtijeva od svake države članice da gradi svoju politiku, zakonodavstvo i praksu u cilju i na načelu "poštovanja geografske oblasti svakog regionalnog ili manjinskog jezika kako bi se obezbjedilo da postojeća ili nova upravna podjela ne predstavlja prepreku unaprjeđenju regionalnog ili manjinskog jezika".

**Bošnjačko nacionalno vijeće izrazilo oštar protest zbog postavljanja tabli u pješačkoj zoni u Novom Pazaru samo na srpskom jeziku i čiriličnom pismu**

## **GRADSKA VLAST U NOVOM PAZARU DA ISPISUJE TABLE NA BOSANSKOM JEZIKU**

U saopštenju koje Vijeće izdalo zatraženo je da predstavnici gradske vlasti poštuju pravo Bošnjaka na službenu upotrebu bosanskog jezika i pisma na teritoriji Novog Pazara.

BNV je podsjetio predstavnike gradske vlasti da u Novom Pazaru živi



preko 85.000 Bošnjaka što čini više od 80% ukupnog stanovništva u gradu.

Također, u saopštenju se podsjeća gradske vlasti da je bosanski jezik u službenoj upotrebi i da su u obavezi da ga ravnomerno koriste zajedno sa srpskim jezikom.

**Povodom preseljenja na ahiret Sulejmana Demirela, bivšeg Premijera i 9. Predsjednika Republike Turske, predsjednik Bošnjačkog nacionalnog vijeća dr. Sulejman Ugljanin uputio je hatarnamu Ambasadoru Republike Turske u Beogradu, Njegovoj ekselenciji Mehmetu Kemalu Bozayu**

## **HATARNAMA POVODOM PRESELJENJA NA AHIRET SULEJMANA DEMIRELA**

U hatarnami se kaže:

Vaša ekselencija gospodine Bozay,

Sa velikim žaljenjem smo primili vijest da je na ahiret preselio bivši Premijer i 9. Predsjednik Republike Turske gospodin Sulejman Demirel.

U ime Bošnjaka Sandžaka i svoje lično ime molim Vas da gradjanim Republike Turske, porodici i prija-

teljima prenesete naše izraze najdubljeg saosjećanja i našu iskrenu dovu Allahu Milostivom da mu podari najljepše mjesto u Dženetu, a njegovoj porodici i prijateljima sabur.

Gospodin Sulejman Demirel je kao Predsjednik Vlade i Predsjednik Republike Turske bio veliki prijatelj Bošnjaka i Sandžaka koji je učinio puno u najteža vremena, kada je pomoći bila najpotrebnija.

Bošnjaci će se uvijek sjećati gospodina Sulejmana Demirela po njegovoj nesebičnosti, solidarnosti i razumijevanju prema Bošnjacima Sandžaka.

Uz izraze najdubljeg saosjećanja,  
S poštovanjem,

Dr. Sulejman Ugljanin, Predsjednik BNV  
i predsjednik manjinskog poslaničkog  
kluba "SDA Sandžaka – PDD"  
u Narodnoj skupštini Republike Srbije



# RAMAZANSKA ČESTITKA PREDSJEDNIKA UGLJANINA

**Predsjednik Bošnjačkog nacionalnog vijeća i manjinske poslaničke grupe „SDA Sandžaka-PDD“, Dr. Sulejman Ugljanin uputio je ramazansku čestitku vjernicima**

U čestikci se kaže:

*Ramazan je mjesec Božje milosti, oprosta grijeha, udjeljivanja sadake i dobročinstva, mjesec sveopštih dobrote i humanosti.*

*Želim da i ovaj Ramazan bude mjesec jačanja povjerenja i veza među Bošnjacima, saradnje među ljudima svih vjera i nacija, i mjesec izgradnje i očuvanja ljudskog dostojanstva.*

*U ime Bošnjačkog nacionalnog vijeća i u svoje lično ime svim muslimanima u Srbiji čestitam nastupajući mjesec Ramazan sa željom da ga provedu u miru, dobrom zdravlju i rahatluku.*

Dr. Sulejman Ugljanin

Predsjednik BNV-a i manjinske poslaničke grupe „SDA Sandžaka-PDD“



**U Bošnjačkom nacionalnom vijeću dodijeljene su nagrade učesnicima 3. Balkanskih sportskih igara za djecu sa posebnim potrebama, održanim u turskom gradu Edimeu, od 11. do 13. maja 2015. godine**

## BNV ĆE UVIJEK PODRŽAVATI MLADE

**U znak podrške Bošnjačko nacionalno vijeće je donijelo odluku o uručenju posebnih nagrada učesnicima igara iz Novog Pazara, predstavnicima Srbije na ovom takmičenju, kao i pružanju podrške školama u kojima ova djeca pohađaju nastavu, kroz obezbjeđenje sportskih nastavnih pomagala**

Ovo takmičenje tradicionalno se održava u organizaciji Univerziteta Trakya i na njemu su učestvovala djeca iz Turske, Grčke, Bugarske, Makedonije, Bosne i Hercegovine, Slovenije, Albanije i Srbije.

Organizator i realizator odlaska u Tursku takmičara iz Srbije, odnosno Novog Pazara, iz OŠ „Desanka Maksimović“ i Škole za dizajn tekstila i kože, je bila profesorica Remzija Mekić, koja je na dodjeli prizna-



*Učesnici 3. Balkanskih sportskih igara za djecu sa posebnim potrebama na dodjelu nagrada Vijeća, Glavni ured Vijeća, 17. jun 2015. godine*

nja istakla značaj organizacija sličnih manifestacija na pravilan rast i razvoj djece sa posebnim potrebama. Ona je i uputila podršku roditeljima i kolegama defektologima koji sa puno volje, ljubavi i tolerancije rade sa ovom djecom.

Nagrade su ispred Vijeća uručili, član Izvršnog odbora Vijeća prof. dr Fahrudin Mavrić i sekretar Vijeća Ahmetin Škrijelj. U svom obraćanju sekretar Vijeća je naglasio da su 3. Balkanske sportske igre važan međunarodni događaj sa aspekta sporta, nauke i razmjene ideja i saznanja o načinima na koje se može poboljšati kvalitet života i pružiti podrška djeci sa posebnim potrebama u njihovom nastojanju da žive sa nama a ne pored nas. Sekretar Vijeća je naglasio da će ih BNV i ubuduće podržavati i zahvalio im se na tome što su na najbolji način predstavili svoje škole, grad i Sandžak.

Sportske trenerke su uručene dobitnicima nagrada za osvojena mjesta u atletskim disciplinama u svojim starosnim kategorijama i to za osvojeno prvo mjesto u atletskoj disciplini trčanje na 50 m Nicević Vahidu, a za osvojeno drugo mjesto u atletskoj disciplini trčanje na 100 m Dolovac Seminu, učenicima OŠ „Desanka Maksimović“. Trenerke su, također, uručene i učenicima Škole za dizajn tekstila i kože, i to Hodžić

Merdanu za osvojeno treće mjesto u starijoj uzrasnoj kategoriji za atletsku disciplinu trčanje na 100 m, i Broňa Fuadu za osvojeno četvrti mjesto u starijoj uzrasnoj kategoriji u atletskoj disciplini trčanje na 100 m.



Osnovnoj školi „Desanka Maksimović“ iz Novog Pazara, čiji su đaci učestvovali na 3. Balkanskim sportskim igrama, Vijeće je doniralo sto za stoni tenis, a Školi za dizajn tekstila i kože sportske lopte.

Dobitnici nagrada su izrazili zahvalnost za donacije Bošnjačkog nacionalnog vijeća i iskazali nadu da će i u budućnosti biti prostora za slične vrste pomoći.

### Povodom zasjedanja Radne grupe za izradu Akcionog plana za nacionalne manjine, u Palati Srbija u Beogradu održana posebna sjednica Koordinacije nacionalnih savjeta nacionalnih manjina

## HITNO OBUSTAVITI PRIVATIZACIJE MANJINSKIH MEDIJA

**Koordinacija je hitno zatražila obustavljanje postupka privatizacije manjinskih medija kako bi se do kraja godine, u saradnji nacionalnih vijeća i nadležnih državnih organa, pronašla adekvatna rješenja za valjano i održivo informisanje na jezicima manjina, posebno Albanaca, Bošnjaka i Bugara**

Koordinacija je usvojila zaključak na osnovu koga će manjine dostaviti svoje prijedloge za zajedničke predstavnike za Nacionalni prosvjetni savjet, Regulatornm tijelo za elektronske medije - REM (bivša Republička radiodifuzna agencije - RRA) i Nacionalni savjet za kulturu.

Koordinacija je jednoglasno prihvatiла prijedlog Esada Džudža o svom institucionalnom uređenju i jačanju kako bi bila što kredibilniji partner i državi i međunarodnoj zajednici.

Na prijedlog BNV koordinacija će do kraja nedjelje predložiti izmjene i dopune prijedloga



Posebna sjednica Koordinacije nacionalnih savjeta nacionalnih manjina,  
Beograd, 22. jun 2015. godine

sadržaja Akcionog plana za nacionalne manjine.

Sjednicom Koordinacije predsjedavao je potpredsjednik BNV Esad Džudžo.

Održan drugi sastanak Radne grupe za izradu Akcionog plana za nacionalne manjine

## BOŠNJACI I DRUGI MANJINSKI NARODI U PREGOVARAČKOM TIMU SRBIJE KA EU

Potpredsjednici Bošnjačkog nacionalnog vijeća Esad Džudžo i Muhedin Fijuljanin orisustvali su drugom sastanku radne grupe za izradu Akcionog plana za nacionalne manjine.

Na sastanku su razmatrani formalni i materijalni elementi Akcionog plana, kao i dinamika budućeg rada na ovom značajnom dokumentu.

Na zahtjev predstavnika Bošnjačkog nacionalnog vijeća u vezi materijalnih elemenata Akcionog plana ostavljen je naknadni rok od sedam dana u kojem će članovi radne grupe dostaviti svoje prijedloge i primjedbe.

Na prijedlog potpredsjednika BNV-a Muhedina



**Sastanak Radne grupe za izradu Akcionog plana za  
nacionalne manjine,  
Beograd, 22. jun 2015. godine**

Fijuljanina usvojena je podjela radne grupe na tri radne grupe po oblastima, čije će članove predložiti Koordinacija nacionalnih savjeta.

**Bošnjačko nacionalno vijeće je 24. i 25. juna, u saradnji sa izdavačkim kućama „Vrijeme“ i „Nam“ iz Tuzle organizovalo promocije „Rječnika bosanskog jezika“, akademika prof. dr Dževada Jahića, koje su održane u Prijepolju, Sjenici, Tutinu i Novom Pazaru**

## RJEČNIKA BOSANSKOG JEZIKA PROMOVISAN U SANDŽAKU

Promocijama su prisustvovali nastavnici i profesori bosanskog jezika u osnovnim i srednjim školama u Sandžaku, kao i istaknuti javni radnici građova u kojima su održane promocije.

Na promociji u Novom Pazaru, u prostorijama Glavnog ureda BNV-a prisustvovao je veliki broj

zainteresovanih, te je velika sala bila mala da prima sve prosvjetne radnike koji su željeli da čuju nešto više o Rječniku od samog autora.

Na svim promocijama su, pored autora Rječnika, akademika Dževada Jahića, prisutvovali i govorili glavni urednik Izdavačke kuće „Vrijeme“ iz Tuzle,



**Promocija Rječnika u Novom Pazaru,  
Glavni ured Vijeća, 25. jun 2015. godine**

Muamer Spahić, direktor Izdavačke kuće „NAM“ iz Tuzle, Sevlid Hurtić, potpredsjednik Bošnjačkog nacionalnog vijeća Redžep Škrijelj i predsjednik Izvršnog odbora Vijeća, Hasim Mekić.

Bibliotekama u sandžačkim gradovima je tokom trajanja promocija uručen komplet svih sedam tomova Rječnika bosanskog jezika, kao donacija Bošnjačkog nacionalnog vijeća.

Rječnik bosanskog jezika, koji je i predstavljen na promocijama, ima sedam tomova i najsavremeniji je i najopsežniji enciklopedijski rječnik bosanskog jezika.

Svi nastavnici i profesori koji su prisutvovali promocijama su dobili uvjerenja za dva sata stručnog usavršavanja, izdatog od Izdavačke kuće „NAM“ iz Tuzle.

Na promocijama je, pored predstavljanja Rječnika, bilo govora i o historijatu nastanka bosanskog jezika, te nastavi na bosanskom jeziku koja je u sandžačkim školama počela 2013. godine.



Promocija Rječnika u Sjenici,  
Skupštinska sala, Sjenica, 24. jun 2015. godine



Promocija Rječnika u Prijepolju,  
Dom Kulture, Prijepolje, 24. jun 2015. godine



Promocija Rječnika u Tutinu,  
Multimedijalni centar, Tutin, 25. jun 2015. godine



Bibliotekama u sandžačkim gradovima je tokom promocija  
uručen komplet Rječnika bosanskog jezika.



Svi nastavnici i profesori koji su prisutvovali promocijama su dobili uvjerenja z  
a dva sata stručnog usavršavanja, izdatog od Izdavačke kuće „NAM“ iz Tuzle.

Zaštitnik građana je obavijestio Bošnjačko nacionalno vijeće da je Grad Novi Pazar nezakonito imenovao članove organa upravljanje OŠ "Selakovac" u Novom Pazaru kao i da budžet grada Novog Pazara nije u skladu sa zakonom.

## ZAŠTITNIK GRAĐANA: GRAD NOVI PAZAR KRŠI ZAKON

**Bošnjačko nacionalno vijeće poziva Vladu Srbije i nadležna ministarstva da, ukoliko žele da Srbija bude zemlja u kojoj će se uspostaviti vladavina prava i pravna sigurnost, hitno sankcionaišu sve koji kršeći zakon onemoćuju ostvarivanje prava Bošnjaka i negiraju postojanje i ovlašćenja Bošnjačkog nacionalnog vijeća**

Postupajući po drugoj pritužbi Bošnjačkog nacionalnog vijeća, podnijetoj na rad nadležnih organa grada Novog Pazara, zbog toga što budžetom grada za 2015. godinu nisu predviđena sredstva za finansiranje rada Bošnjačkog nacionalnog vijeća, zaštitnik građana je obavijestio Vijeće da grad Novi Pazar nije postupio po zakonu i da su dostavili odgovor u kome su potvrđeni navodi iz pritužbe.

Zaštitnik građana Saša Janković zatražio je od Ministarstvo prosvjete, nauke i tehnološkog razvoja izjašnjenje u vezi pritužbe o nezakonitom imenovanju članova organa upravljanja OŠ "Selakovac" iz Novog Pazara.

Skupština grada Novog Pazara nije prilikom imenovanja članova Školskog odbora OŠ "Selakovac" zatražila od Bošnjačkog nacionalnog vijeća da dostiže prijedlog članova – predstavnika jedinice lokalne samouprave. U vezi sa utvrđenim nepravilnostima,



Bošnjačko nacionalno vijeće traži od organa lokalne samouprave Novog Pazara da ispoštuje zakonom predviđenu obavezu i u pogledu finansiranja Bošnjačkog nacionalnog vijeća i imenovanja Školskog odbora u OŠ "Selakovac".

Bošnjačko nacionalno vijeće zahtijeva od lokalne samouprave Novog Pazara da se u svom daljem radu pridržava obaveza propisanih Ustavom i zakonom i da dalje ne postupa suprotno interesima Bošnjaka i Bošnjačkog nacionalnog vijeća.

**Povodom izbora gospodina Hasana Čengića na funkciju predsjednika Sabora Islamske zajednice u Bosni i Hercegovini, čestitku je uputio predsjednik Bošnjačkog nacionalnog vijeća dr. Sulejman Ugljanin**

## ČESTITKA PREDSJEDNIKA BNV-a NOVOIZABRANOM PREDSJEDNIKU SABORA ISLAMSKE ZAJEDNICE U BIH

U čestitki predsjednika Ugljanina se kaže:

"Uvaženi gospodine Čengić,

U ime Bošnjačkog nacionalnog vijeća, najvišeg predstavničkog tijela sandžačkih Bošnjaka u Republici Srbiji, ovim putem Vam upućujem najiskrenije čestitke za izbor na mjesto predsjednika Sabora Islamske zajednice Bosne i Hercegovine.

Imajući u vidu Vašu bogatu biografiju u oblasti zalaganja za prava Bošnjaka, kako u Bosni i Hercegovini tako i u državama u okruženju, nadam se da će tokom Vašeg obavljanja funkcije predsjednika Sabora biti rješavana pitanja od značaja za Islamsku zajednicu BiH ali i da ćemo imati priliku da saradujemo sa ciljem poboljšanja prava Bošnjaka u svim zemljama regiona."

### ČENGIĆ IZRAZIO POŠTOVANJE NA ČESTITCI

Novoizabrani predsjednik Sabora Islamske zajednice u Bosni i Hercegovini gospodin Hasan Čengić je izrazio osobito poštovanje na čestitci predsjednika Vijeća. U dopisu se između ostalog kaže:

„Bošnjačko nacionalno vijeće je važan instrument legalnog predstavljanja i zastupanja interesa našeg naroda u Republici Srbiji i stoga mi je vaša čestitka potvrda naše vezanosti, ljudske i institucionalne.

Islamska zajednica je najstarija institucija Bošnjaka koja ih historijski najduže okuplja i veže potičući njihovo jedinstvo na temelju islama i zajedničkog roda, nastojeći očuvati njihovo dostojanstvo, integritet i ljudskost ... afirmacijom ukupnih bošnjačkih interesa, potreba i potencijala, na korist nas i onih sa kojima zajedno živimo upućuje i na institucionalnu saradnju naše dvije institucije.“

Predstavnici Odbora za obrazovanje Bošnjačkog nacionalnog vijeća učestvovali su na sastanku Grupe za razvoj standarda postignuća učenika za bosanski jezik, koji je 24. juna održan u "Zavodu za vrednovanje kvaliteta obrazovanja i vaspitanja u Beogradu"

## POČEO RAD NA RAZVOJU STANDARDA POSTIGNUĆA UČENIKA ZA BOSANSKI JEZIK

Na sastanku je usaglašen plan aktivnosti i rokovi faza razvoja standarda postignuća za bosanski jezik

Jelena Najdanović Tomić, rukovodilac Centra za standarde pri Zavodu, predstavila je koncept standarda, kao konkretizacije obrazovnih ciljeva, odnosno opis željenog kvaliteta obrazovanja, a ispred Ministarstva prosvjete, nauke i tehnološkog razvoja procesu izrade standarda podršku je dala Jasmina Perunić Allen, rukovodilac grupe za obrazovanje nacionalnih manjina i ljudska i manjinska prava pri Ministarstvu.

Grupu za razvoj standarda za bosanski jezik čine Dino Lotinac, Azemina Bojadžić i Edina Salihović, nastavnici bosanskog jezika u osnovnoj školi i Sead Šemsović i Amira Turbić Hadžagić, univerzitetski profesori. Ispred Centra za standarde Za-



Sastanak Grupe za razvoj standarda postignuća učenika za bosanski jezik,  
Beograd, 24. jun 2015. godine

voda, radom grupe koordiniraće Tanja Trbojević, stručni saradnik Zavoda.

Standardi postignuća za bosanski jezik će omogućiti izradu testova za završni ispit iz bosanskog jezika na kraju drugog ciklusa obrazovanja i podizanje kvaliteta sprovođenja nastave na bosanskom jeziku.

**Bošnjačko nacionalno vijeće započelo proces utvrđivanja prijedloga reforme i unaprjeđenja političkog sistema Republike Srbije sa aspekta potreba i interesa bošnjačkog naroda u Republici Srbiji**

## U VIJEĆU ODRŽANA PRVA SESIJA JAVNE RASPRAVE O REFORMI POLITIČKOG SISTEMA SRBIJE

Narodna skupština Republike Srbije formirala je akcione grupu za reformu političkog sistema koju čine predstavnici svih poslaničkih grupa u Narodnoj skupštini.

Prva zvanična sjednica, odnosno prvo javno slušanje održano je 17. juna 2015. godine, kada su poslaničke grupe izložile svoje prijedloge i viđe-

nje za promjenu političkog sistema u državi.

Očekuje se da nacionalna vijeća nacionalnih manjina, krajem jula mjeseca 2015. godine, akcionej grupi za reformu političkog sistema, predstave svoje stavove, viđenja i konkretnе prijedloge u kom pravcu treba mijenjati politički sistem u Srbiji kroz izmjene Ustava i zakona.



Bošnjačko nacionalno vijeće, kao najviše predstavničko tijelo Bošnjaka je kroz održanu sesiju javne rasprave, započelo proces utvrđivanja prijedloga reforme i unaprjeđenja političkog sistema Republike Srbije sa aspekta potreba i interesa bošnjačkog naroda u Republici Srbiji.

Na prvoj javnoj raspravi su utvrđeni principi rada i dinamika održavanja ostalih sesija javne rasprave, odnosno kalendar aktivnosti, i predstavljen prijedlog zakona koji je potrebno izmijeniti u najavljenoj promjeni političkog sistema.

Moderator na prvoj sesiji javne rasprave je

ti u procesu promjene političkog sistema države Srbije. Gudžević je prisutnima predstavio zakone koji se nalaze u prijedlogu grupe poslaničke SDA Sandžaka – PDD, a koje je potrebno izmijeniti ali i obrazloženje prijedloga koje počiva na međunarodnopravnoj regulativi u oblasti zaštite i promovisanja manjinskih prava.

Sekretar Vijeća, Ahmedin Škrijelj, zadužen za izradu novog zakona o nacionalnim vijećima nacionalnih manjina, je u svom obraćanju istakao bitnost objedinjavanja pravne regulative u oblasti zaštiti prava nacionalnih manjina, utvrđivanje



bila potpredsjednica Vijeća zadužena za praćenje ustavno-pravnog položaja Bošnjaka – prof. Vasilija Gusić, koja je upoznala prisutne sa idejom organizacije javnih rasprava i istakla značaj najavljenje promjene političkog sistema za bošnjačku nacionalnu zajednicu

Esad Džudžo, potpredsjednik Vijeća, koji je istovremeno i član radne grupe za izradu akcionog plana Republike Srbije za nacionalne manjine, je u obraćanju prisutnima govorio o dosadašnjim aktivnostima radne grupe, te poglavljvu 23 u pregovorima Srbije sa EU u okviru kojeg je i tražena izrada akcionog plana za nacionalne manjine.

Edin Gudžević je, u ime manjinske poslaničke grupe u Skupštini Srbije "SDA Sandžaka – PDD", govorio o prijedlogu koji je ta poslanička grupa podnijela Narodnoj Skupštini Srbije a koji se odnosi na Ustav Srbije i zakone koje treba izmijeni-

pravnog statusa nacionalnih vijeća nacionalnih manjina, kao i izvore njihovog finansiranja za puno ostvarivanje prava nacionalnih manjina u Republici Srbiji.

Ispred poslaničke grupe "SDA Sandžaka – PDD" prisutnima se obratio i Merfid Kamešničanin, koji je pročitao Rezoluciju o osudi genocida u Srebrenici a koju su sačinili narodni poslanici SDA Sandžaka u Skupštini Republike Srbije.

Poslije obraćanja uvodničara, otvorena je diskusija u kojoj su učestvovali predstavnici nevladinih i drugih organizacija civilnog društva, bošnjačkih nacionalnih institucija i organizacija i bošnjačkih političkih stranaka.

Svi prisutni su se usaglasili oko važnosti organizovanja ovakvih i sličnih javnih rasprava ali i oko rješavanja ekonomskih problema u Sandžaku kroz uspostavu srednjeg nivoa vlasti u Sandžaku, odnosno regionalne autonomije Sandžaka.

**Nauka o jeziku**

- 1631. – Potur Šahidija – tursko-bosanski rječnik
- 1890. – Gramatika bosanskoga jezika
- 1993. – Rječnik karakteristične bosanske leksike
- 1996. – Pravopis bosanskoga jezika
- 1998. – Trilogija o bosanskom jeziku
- 2006. – Gramatika bosanskoga jezika

**Bosanski jezik i književnost** pored gramatike i pravopisa bosanskoga jezika, sadrži lekcije iz književnosti i o kulturi Bošnjaka.

Razvoj bošnjačke književnosti je drugačiji od razvoja književnosti ostalih južnoslavenskih naroda, posebno zbog bošnjačkih pisaca na orientalnim jezicima.

Ova djela omogućavaju bolje razumijevanje razvoja nacionalne, društvene i političke svijesti Bošnjaka. Pored toga predmet nudi i pregled najznačajnijih književnih djela južnoslavenskih i svjetskih pisaca.

**Obrazovanje na bosanskom jeziku u Republici Srbiji**

Obrazovanje na bosanskom jeziku u Republici Srbiji posebnu pažnju pridaje nacionalnoj grupi predmeta:

- Bosanski jezik i književnost
- Historija
- Muzička kultura i
- Likovna kultura

**Predmet Muzička kultura** sadrži jednu trećinu gradiva o muzičkoj umjetnosti Bošnjaka, posebnostima sevdalinka, ilahije, kaside i sličnih kulturno-muzičkih uobičajenja. Uz to, predmet obraduje osobnosti bošnjačke muzičke tradicije, od vrsta instrumenata do kompozicionih cjelina.

**HISTORIJA**

Dokument za razvoj na bosanskom jeziku za mlađi razred osnovne škole

**Prvo spominjanje imena Bosna, Bošnjaci i Bosanski jezik**

**Bosna** – 10. vijek, Konstantin Porfirogenit  
**Bošnjaci** – 12. vijek, Manojo Komnen  
**Bosanski jezik** – 15. vijek, Konstantin Filozof

**Likovna kultura** u jednoj trećini sadržaja posvećuje pažnju posebnostima bošnjačkih vizualnih umjetnosti: arhitekture i graditeljstva, slikarstva, minijature, rukoprepisivanja, kaligrafije (ispisivanje levhi), arabeske i slično, s posebnim osvrtom na elemente Istoka i Zapada u likovnim umjetnostima Bošnjaka.

**Pored njih, predmet Srpski kao nematernji jezik** sadrži gradivo koje ne predstavlja dodatno opterećenje učeniku, jer predviđeni zahtjevi su podjednaki za sve manjinske nastavne planove i programe, što podrazumijeva najosnovniji nivo znanja potreban za komunikaciju.



## Bosanski jezik u prošlosti Sandžaka

Ovo je na bosanskom nasihat Sulejmanov (Sulejman Tabaković, 1861/1862)

Moliše me kolačinski prviš,  
„Daj nam mevlud na bosanski napiši (...),  
Drugi jezik mi lijepo ne znamo,  
Allah jedan, hak Pejgamber, svi znamo.“  
(Salihi Gašević, 1878)

Mevlud pejgamberški na jezik bosanski  
(Arif Sarajlija, 1911)

Već mi se molju.  
Kaže: deder pjevaj mi bosanski.  
(Đemal Zogić, 1934)

Bosanski jezik je jezik Bošnjaka i svih onih koji ga smatraju svojim.

Bosanski jezikpostoji u narodnim govorima Bošnjaka i u bošnjačkoj književnosti.

Četiri dijalekta bosanskog jezika su na prostoru Bosne i Hercegovine, a petim dijalektom govore Bošnjaci Sandžaka.

Bošnjaci govore bosanskim jezikom i kada njihov govor nije po gramatičkim pravilima.

Godine 1907. donesena je zabrana upotrebe imena bosanski jezik.

# Na bosanskom je ljepše



## *Bošnjačko nacionalno vijeće*

Povodom rehabilitacije vođe četničkog pokreta Draže Mihajlovića, Bošnjačko nacionalno vijeće izdaje sljedeći

### PROGLAS

Bošnjačko nacionalno vijeće izražava najoštiri protest povodom odluke Višeg suda u Beogradu o rehabilitaciji Draže Mihailovića, osnivača i vođe fašističkog četničkog pokreta u Srbiji, koji je odgovoran za planirano etničko čišćenje, masovna ubistva i progone bošnjačkog naroda u Sandžaku, kao i žrtava svih naroda koji žive na ovim prostorima.

Vođa fašističko-četničkog pokreta u Srbiji Draža Mihailović je svojim zvanično pisanim naredbama, naređivao, citiramo: "Stvaranje velike Srbije, čišćenjem državne teritorije od nacionalnih manjina i nenarodnih elemenata" i "Uspostavljanje zajedničke granice Srbije i Crne Gore etničkim čišćenjem Sandžaka".

Bošnjačko nacionalno vijeće smatra da je odluka Višeg suda u Beogradu o rehabilitaciji Draže Mihailovića skandalozna, sramna i bez presedana.

To je još jedan u nizu dokaza pokušaja prekravanja historije, negiranja i legalizacije planski počinjenih masovnih zločina, konstantne genocidne politike prema bošnjačkom narodu na ovim prostorima i ponovno rađanje fašizma u srcu Evrope.

U proteklih 100 i više godina, četničke i druge naoružane jedinice u sastavu srpske policije i vojske ili uz njihovu pomoć i podršku, u više navrata vršili su genocid, masakre i progonstva bošnjačkog civilnog stanovništva iz Sandžaka i drugih krajeva u kojima žive. Umjesto dalje osude takvih neprimjerenih akata i zločina, vršenih u svim vremenskim razdobljima i pod svim režimima, odlukom o rehabilitaciji njihovih nalogodavaca i počinilaca šalje se negativna poruka javnosti da će od krivičnog gonjenja i osude biti oslobođen svako ko isto to bude činio ili mu je namjera činiti.

Bošnjačko nacionalno vijeće zahtijeva osudu i hitnu reakciju međunarodne zajednice, s obzirom da je ova odluka direktno suprotna antifašističkom i demokratskom opredjeljenju Evropske Unije kojoj kao zemlja težimo.

Tražimo zaštitu za žrtve i potomke Bošnjaka, žrtava zločinačkog četničkog pokreta, a nadležne organe u Srbiji pozivamo da prestanu sa falsifikovanjem istorije i ponište ovu sramnu odluku.

Tražimo da se Bošnjaci u Srbiji zaštite i da im se hitno obezbijedi neophodna pravna sigurnost, vladavina prava i jednakost pred zakonom.



*Biltén*